

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S TRIDESETDRUGE SJEDNICE GRADSKOG VIJEĆA TUZLA ODRŽANE 26.
APRILA 2019. GODINE U POSLOVNOM OBJEKTU „GRAFIČAR“ S POČETKOM U
10 SATI**

-SJEDNICI PRISUSTVUJE 28 VIJEĆNIKA

U Tuzli, april 2019. godine

**MIREL MIŠKOVIĆ – zamjenik predsjedavajućeg Gradskog vijeća Tuzla
– vijećnik Tuzlanske alternative**

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani gradonačelnice Grada Tuzla, predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti otvaram tridesetdruvu redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 28 od ukupnog broja vijećnika 31, što je dovoljno za punovažan rad i odlučivanje.

Za današnju sjednicu svoj izostanak najavio je slijedeći vijećnik Kenan Osmančević i predlažem da mu opravdamo odsustvo.

Za današnju sjednicu kašnjenje su najavili slijedeći vijećnici Aleksandar Vujadinović i Ivica Kovačević.

Podsjećam vijećnike da su svi klubovi vijećnika dobili stenogram, a svaki vijećnik je, uz materijale za današnju sjednicu, dobio i skraćenu verziju zapisnika s 31. redovne sjednice Gradskog vijeća Tuzla održane 27. marta 2019. godine.

Da li ima primjedbi na stenogram i skraćenu verziju zapisnika?

Ako nema, stavljam na izjašnjavanje stenogram i skraćenu verziju zapisnika s 31. redovne sjednice Gradskog vijeća Tuzla, održane 27. marta 2019. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su Stenogram i Skraćena verzija zapisnika s 31. redovne sjednice Gradskog vijeća Tuzla, održane 27. marta 2019. godine, usvojeni s 24 glasa za, bez glasova protiv i uz jedan suzdržan glas.

Za današnju 32. redovnu sjednicu Gradskog vijeća Tuzla predlažem dnevni red koji ste dobili u materijalu za sjednicu:

D N E V N I R E D

Usvajanje skraćene verzije zapisnika sa tridesetprve redovne sjednice održane 27. 03. 2019. godine

1. VIJEĆNIČKA PITANJA I INICIJATIVE
2. RAZMATRANJE I USVAJANJE ODLUKE O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKJE UPRAVE GRADA TUZLE
3. RAZMATRANJE I USVAJANJE:
 - a) REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI
 - b) ODLUKE O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI
 - c) ODLUKE O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI
4. RAZMATRANJE I USVAJANJE ODLUKE O VISINI ZAKUPNINE STAMBENIH JEDINICA IZGRAĐENIH U PROJEKTIMA CEB II I RSP

5. RAZMATRANJE I USVAJANJE ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA U INDIVIDUALNIM STAMBENIM I INDIVIDUALNIM STAMBENO-POSLOVNIM OBJEKTIMA NA PODRUČJU GRADA TUZLE

6. RAZMATRANJE I USVAJANJE ODLUKE O IZMJENI I DOPUNI ODLUKE O NAZIVIMA ULICA I TRGOVA U GRADU TUZLI I NASELJIMA NA PODRUČJU GRADA TUZLE

7. RAZMATRANJE I USVAJANJE IMOVINSKO-PRAVNIH AKATA:

a) Odluka o izmjenama i dopunama Odluke o davanju u zakup poslovnih zgrada, poslovnih prostorija i garaža

b) Odluka o raspisivanju Javnog oglasa o davanju u zakup poslovnih prostorija (sa tekstom Javnog oglasa)

c) Rješenje o utvrđivanju prava vlasništva na gradskom građevinskom zemljištu, broj: 01/07-31-5433/10 (u korist Tomičić Zorane, lokacija KO Tuzla II)

d) Rješenje o utvrđivanju prava vlasništva na gradskom građevinskom zemljištu, broj: 01/07-31-8347/18 (u korist JP „Direkcija za izgradnju“ doo za inženjering i usluge Tuzla i Simičić Mirsada iz Tuzle, lokacija KO Tuzla II)

8. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ GRAD TUZLA ZA 2018. GODINU:

a) JU Narodno pozorište Tuzla

9. RAZMATRANJE I INFORMACIJE O PROVOĐENJU PREVENTIVNIH MJERA ZAŠTITE I SPAŠAVANJA SA PLANOM AKTIVNOSTI NA PROVOĐENJU MJERA U VISOKORIZIČNIM PODRUČJIMA OD POPLAVA I KLIZIŠTA

10. RAZMATRANJE INFORMACIJE O GRADSKOM I PRIGRADSKOM SAOBRAĆAJU NA PODRUČJU GRADA TUZLA

11. RAZMATRANJE IZVJEŠTAJA KOMISIJE ZA IZBOR I IMENOVANJE

12. TEKUĆA PITANJA

a) Obavještenje JU za predškolski odgoj i obrazovanje „Naše dijete“ Tuzla o razlozima prolongiranja izvještaja o radu i poslovanju za 2018. godinu

b) Obavještenje JP Gradska veterinarska stanica d.o.o.Tuzla o razlozima prolongiranja izvještaja o radu i poslovanju za 2018. godinu

c) Obavještenje JKP „Vodovod i kanalizacija,, d.o.o. Tuzla o razlozima prolongiranja informacije o stanju u oblasti vodosnabdijevanja

d) Obavještenje Službe za Budžet i finansije o razlozima prolongiranja Godišnjeg izvještaja o izvršenju Budžeta Grada Tuzle za period 01. 01. - 31. 12. 2018. godine i Izvještaja o izvršenju Budžeta Grada Tuzle za period 01. 01. - 31. 03. 2019. godine.

e) Obavještenje Službe za geodetske i imovinsko – pravne poslove o razlozima prolongiranja nacрта odluke o prosječnoj konačnoj cijeni stambenog prostora iz prethodne godine.

f) Obavještenje JZNU Dom zdravlja „Dr Mustafa Šehović“ Tuzla broj : 17.03-2579/19 od 11. 04. 2019. godine o prolongiranju izvještaja o radu i poslovanju Javne zdravstveno – nastavne ustanove Dom zdravlja „Dr Mustafa Šehović“ Tuzla.

Podsjećam da su se, u skladu sa članom 58. Poslovnika Gradskog vijeća Tuzla, prijedlozi za naknadno uvrštavanje hitnih i neodložnih pitanja mogli podnijeti u pisanoj formi, najkasnije 48 sati prije održavanja ove sjednice, kao i da su se, u skladu sa članom 61. Poslovnika Gradskog vijeća Tuzla, zahtjevi za izmjenu predloženog dnevnog reda mogli dostaviti najkasnije 48 sati prije održavanja ove sjednice.

Obavještavam vijećnike da je Kolegij Gradskog vijeća Tuzla održao sjednicu neposredno pred početak ove tridesetdruge sjednice te razmotrio pristigle prijedloge za izmjene i dopune dnevnog reda.

1. Kolegij Gradskog vijeća Tuzla predlaže da se tačka 3. RAZMATRANJE I USVAJANJE:

a) REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

b) ODLUKE O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

c) ODLUKE O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

razmatra kao 1. tačka dnevnog reda današnje 32. redovne sjednice Gradskog vijeća Tuzla, te da se ostale tačke redoslijedom pomjere s tim da se tačka vijećnička pitanja razmatra kao tačka 12. dnevnog reda.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, da se tačka 3. RAZMATRANJE I USVAJANJE:

a) REGULACIONOG PLANA ZBR (ZONE BUDUĆEG RAZVOJA) IRAC JUG - I FAZA U TUZLI

b) ODLUKA O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

c) ODLUKE O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

razmatra kao 1. tačka dnevnog reda današnje 32. redovne sjednice Gradskog vijeća Tuzla, te da se ostale tačke redoslijedom pomjere s tim da se tačka vijećnička pitanja razmatra kao tačka 12. dnevnog reda usvojen s 27 glasova za, bez glasova protiv i bez suzdržanih glasova.

Mirnes Ajanović, vijećnik BOSS Bosanske stranke, je predložio da se u dnevni red 32. redovne sjednice Gradskog vijeća Tuzla, uvrsti tačka pod nazivom:

RASPRAVA O OBAVEZI SVIH DA PODUZMU MJERE U CILJU SPREČAVANJA RATNOHUŠKAČKE RETORIKE I UGROŽAVANJA MIRA U BIH

Kolegij Gradskog vijeća Tuzla je prihvatio ovaj prijedlog te predlaže Gradskom vijeću Tuzla da se u dnevni red 32. redovne sjednice Gradskog vijeća Tuzla, kao tačka 12. uvrsti

RASPRAVA O OBAVEZI SVIH DA PODUZMU MJERE U CILJU SPREČAVANJA RATNOHUŠKAČKE RETORIKE I UGROŽAVANJA MIRA U BIH

a da se ostale tačke redoslijedom pomjere.

Sada stavljam na izjašnjavanje ovaj prijedlog Kolegija Gradskog vijeća Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, da se u dnevni red 32. redovne sjednice Gradskog vijeća Tuzla, kao tačka 12. uvrsti

RASPRAVA O OBAVEZI SVIH DA PODUZIMAJU MJERE U CILJU SPREČAVANJA RATNOHUŠKAČKE RETORIKE I UGROŽAVANJA MIRA U BIH a da se ostale tačke redoslijedom pomjere usvojen s 27 glasova za, bez glasova protiv i bez suzdržanih glasova.

Obavještavam vijećnike da je Kolegij Gradskog vijeća Tuzla izvršio korekciju tehničke greške u nazivu TAČKE 5. dnevnog reda 32. sjednice Gradskog vijeća Tuzla:

RAZMATRANJE I USVAJANJE ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA U INDIVIDUALNIM STAMBENIM I INDIVIDUALNIM STAMBENO-POSLOVNIM OBJEKTIMA NA PODRUČJU GRADA TUZLE

tako da naziv tačke 5. dnevnog reda glasi:

RAZMATRANJE I USVAJANJE ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLE

i tehničke greške u nazivu podtačke a) tačke 7. **RAZMATRANJE I USVAJANJE IMOVINSKO-PRAVNIH AKATA:**

a) Odluka o izmjenama i dopunama Odluke o davanju u zakup poslovnih zgrada, poslovnih prostorija i garaža

tako da naziv podtačke a) tačke 7 . glasi

a) Odluka o dopunama Odluke o davanju u zakup poslovnih zgrada, poslovnih prostorija i garaža.

Podsjećam vijećnike da je članom 61. stav 5. Poslovnika Gradskog vijeća Tuzla propisano da izuzetno vijećnici i gradonačelnik mogu tražiti izmjenu dnevnog reda na sjednici, te pitam da li ima prijedloga za izmjenu dnevnog reda u skladu sa navedenim članom?

Ako nema, stavljam na izjašnjavanje predloženi dnevni red.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je dnevni red u cjelini, usvojen s 25 glasova za, bez glasova protiv i bez suzdržanih glasova:

D N E V N I R E D

Usvajanje skraćene verzije Zapisnika sa tridesetprve redovne sjednice održane 27. 03. 2019. godine

1. a) REGULACIONI PLAN ZBR (ZONE BUDUĆEG RAZVOJA) IRAC JUG - I FAZA U TUZLI

b) ODLUKA O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

c) ODLUKA O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

2. ODLUKA O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKJE UPRAVE GRADA TUZLE

3. ODLUKA O VISINI ZAKUPNINE STAMBENIH JEDINICA IZGRAĐENIH U PROJEKTIMA CEB II I RSP

4. ODLUKA O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLE

5. ODLUKA O IZMJENI I DOPUNI ODLUKE O NAZIVIMA ULICA I TRGOVA U GRADU TUZLI I NASELJIMA NA PODRUČJU GRADA TUZLE

6. IMOVINSKO-PRAVNA AKTA:

a) Odluka o dopunama Odluke o davanju u zakup poslovnih zgrada, poslovnih prostorija i garaža

b) Odluka o raspisivanju Javnog oglasa o davanju u zakup poslovnih prostorija (sa tekstom Javnog oglasa)

c) Rješenje o utvrđivanju prava vlasništva na gradskom građevinskom zemljištu, broj: 01/07-31-5433/10 (u korist Tomičić Zorane, lokacija KO Tuzla II)

d) Rješenje o utvrđivanju prava vlasništva na gradskom građevinskom zemljištu, broj: 01/07-31-8347/18 (u korist JP „Direkcija za izgradnju“ doo za inženjering i usluge Tuzla i Simičić Mirsada iz Tuzle, lokacija KO Tuzla II)

7. IZVJEŠTAJ O RADU JAVNIH USTANOVA ČIJI JE OSNIVAČ GRAD TUZLA ZA 2018. GODINU:

a) JU Narodno pozorište Tuzla

8. INFORMACIJA O PROVOĐENJU PREVENTIVNIH MJERA ZAŠTITE I SPAŠAVANJA SA PLANOM AKTIVNOSTI NA PROVOĐENJU MJERA U VISOKORIZIČNIM PODRUČJIMA OD POPLAVA I KLIZIŠTA

9. INFOMACIJA O GRADSKOM I PRIGRADSKOM SAOBRAĆAJU NA PODRUČJU GRADA TUZLA

10. IZVJEŠTAJ KOMISIJE ZA IZBOR I IMENOVANJE

11. TEKUĆA PITANJA

a) Obavještenje JU za predškolski odgoj i obrazovanje „Naše dijete“ Tuzla o razlozima prolongiranja izvještaja o radu i poslovanju za 2018. godinu

b) Obavještenje JP Gradska veterinarska stanica d.o.o.Tuzla o razlozima prolongiranja izvještaja o radu i poslovanju za 2018. godinu

c) Obavještenje JKP „Vodovod i kanalizacija „ d.o.o. Tuzla o razlozima prolongiranja informacije o stanju u oblasti vodosnabdijevanja

d) Obavještenje Službe za Budžet i finansije o razlozima prolongiranja Godišnjeg izvještaja o izvršenju Budžeta Grada Tuzle za period 01. 01. - 31. 12. 2018. godine i Izvještaja o izvršenju Budžeta Grada Tuzle za period 01. 01. - 31. 03. 2019. godine.

e) Obavještenje Službe za geodetske i imovinsko – pravne poslove o razlozima prolongiranja nacрта odluke o prosječnoj konačnoj cijeni stambenog prostora iz prethodne godine.

f) Obavještenje JZNU Dom zdravlja „Dr Mustafa Šehović“ Tuzla broj: 17.03-2579/19 od 11. 04. 2019. godine o prolongiranju izvještaja o radu i poslovanju Javne zdravstveno – nastavne ustanove Dom zdravlja „Dr Mustafa Šehović“ Tuzla.

12. RASPRAVA O OBAVEZI SVIH DA PODUZIMAJU MJERE U CILJU SPREČAVANJA RATNOHUŠKAČKE RETORIKE I UGROŽAVANJA MIRA U BIH

13. VIJEĆNIČKA PITANJA I INICIJATIVE

Sada prelazimo na realizaciju dnevnog reda današnje 32. redovne sjednice Gradskog vijeća Tuzla.

Prva tačka Dnevnog reda je:

a) REGULACIONI PLAN ZBR (ZONE BUDUĆEG RAZVOJA) IRAC JUG - I FAZA U TUZLI

b) ODLUKA O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

c) ODLUKA O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI

Predlagač je gradonačelnik Grada Tuzla.

Obrađivač je Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali Komisija za statutarna pitanja i propise, Komisija za ekonomske odnose Komisija za prostorno uređenje i zaštitu okoline, Komisija za poduzetništvo i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Ima. Ako ima, ja pozivam gradonačelnika da nam da uvodno izlaganje.

JASMIN IMAMOVIĆ – Gradonačelnik Grada Tuzla

Mi smo završili kompletnu zakonom propisanu proceduru i bila je javna rasprava sa građanima i ja bih volio da vam se obratim, nakon što predstavnik investitora nam prezentira ovo. Je li moguće? Je li se slažete? (MIREL MIŠKOVIĆ – Može. Slažemo se.)

Pa bih ja pozvao predstavnika investitora, projektanta, arhitektu Faruka Kapidžića da izvrši prezentaciju na bosanskom jeziku.

MIREL MIŠKOVIĆ

Evo izvolite.

FARUK KAPIDŽIĆ – predstavnik investitora

Ja bih htio da pozdravim gradonačelnika i sve vijećnike, kao i goste, da se zahvalim na ovom uvodu i na nekom ko je dobio na kineskom čisto da razbijemo atmosferu.

Ja nisam imao prilike ispred politike, odnosno vijećnika da bilo šta prezentiram, pa ne znam sad kako će to izgledati, uglavnom probat ću da budem vrlo kratak, a tehnologija koja omogućava sad da se to približi će da me odmijeni u tom dijelu jer odprilike neki osam mjeseci je bilo rađeno na ovom projektu i sad smo došli do te tačke kada se i može prikazati i kada se može steći utisak šta će se to desiti i šta to može sve pokrenuti u procesu jednog grada i države i države kompletno.

Ono što je meni interesantno bilo to je da u ovom slučaju dakle rad na ovom projektu je specifičan slučaj koji se ne dešava stalno. Dese se u gradu neke tačke gdje su investicije, odnosno tačke u gradu toliko bitne da se moraju raditi skupno i urbanizam i arhitektura.

Znači kao odjednom, ne dolazi u obzir da se radi urbanizam, pa po tome da arhitekti dođu kao izvršioци nečega nego se ovo moralo raditi skupno tako da od nekog avgusta kada sam prvi put otišao u Zavod za urbanizam u Tuzli gdje stvarno moram da pohvalim tu kompletnu ekipu sa Selmom kao direktorom, da smo uspjeli skupno da tu arhitekturu i urbanizam koji je potreban da

napravimo jednu koheziju između toga i da dobijemo rješenje koje, po meni, mislim da daje mnogo gradu što mi je bilo prevashodno bitno, a investitori se uvijek snađu u okviru toga. Znači, mi moramo da prvo napravimo potez ono što nama treba i da izvučemo maksimum iz toga.

Stvar je u tome da mi u u u ovom rješenju, odnosno u ovoj situaciji koju imamo rješavamo tri krucijalne stvari vezano za grad i ono što je jako bitno.

Prvo je dakle da ta namjena koja je bila do sada Livnica, odnosno taj vid teške industrije općenito bilo kakve industrije, pošto se grad razvio sada daleko više od ove lokacije, ne može da podnese to. Izbacujemo znači taj vid sadržaja iz urbanog dijela grada. To je velika stvar za grad, dakle da se to makne, jer to su stvari koje ne dolaze u obzir da ostanu, pogotovo da ostanu već u nekim centralnim dijelovima zato što je grad, uhvatio je skroz, je prošao mimo ove lokacije.

Dakle, to je prva stvar. Druga stvar, daj mi sada ovusu tuaciju. Ono što je bilo bitno u prvoj priči itd. da dvije longitudinalne grada koje su zapravo te žile kucavice grada zahtijevaju spajanje na svakom određenom periodu distancama zahtijeva spajanje. Ovo je bila, po Zavodu, znači krucijalna stvar da se napravi transferzala koja će proći od jedne do druge longitudinalne i spojiti te dvije stvari. To je čisto saobraćajno pitanje koje je meni u arhitektonskom smislu jako dobro došlo da aktiviram prostor, odnosno da nju provučem kroz sredinu parcele.

To je principijelno otvorilo čitavo rješenje koje sam od početka imao. I to su ljudi u Zavodu, kad su radili Urbanistički plan, shvatili da mi je to bitno i mi smo tu, tu smo napravili jednu transferzalu koja prolazi kroz središnji dio objekta.

Ono što je bilo eto, pošto se i svako veliko djelo pa i najmanje kuće imaju svoju priču internu itd. i ovo je nekako nastalo iz te moje priče o vezanosti u nekim životnim situacijama, baš za so i Tuzla koja je na defakto poznata po tome da je na soli, onda je čitava priča i arhitektonska, što će se kasnije vidjeti bila da zapravo prikažem nekako da se ta so kristalizirala u obliku objekata i izašla iz te bjeline soli i tako da je izašla gore u taj neki stakleni dio koji je zapravo kristali od soli i tako je nastao čitav koncept.

Ono što je meni bitno a to je da taj koncept je onda u daljnjoj razradi dobio situaciju da ja, iako ostavljam saobraćaj koji je dosta jak i frekventan ostavljam ga kroz parcelu, ne dozvoljavam parkiranje nikakvo, a radi se o jako puno sadržaja javnog karaktera što je jako bitno ovdje.

Što znači da ja preko velikog rondoja koji se ne bi trebao osjetiti u saobraćajnom smislu kao rondo, otvaram mogućnost da se ulazi u podzemnu etažu i bukvalno jednu podzemnu cestu koja opslužuje parkiranje kompletno.

Zašto mi je trebao rondo? Iz prostog razloga što, što on meni otvara mogućnost da taj dio zemlje ostavim kao zemlju i dobijem središnji park iz kojeg može da se razvije veliko zelenilo.

Dakle, nikad nisam smatrao da se može izkulirat zelenilo na garažu i obično to propadne, nego sam tražio onda pozicije gdje bi se veliko zelenilo moglo razviti. Jer je vrlo, vrlo bitno u ovoj čitavoj situaciji da to zelenilo obuhvati kompletnu priču. I to se dešava skroz po rubu objekta i dešava se u srednjem rondou oko rondoja.

Ostalo su stvari žardinjere, uređenja, hortikulturnog, malog, sitnog. Ali to su stvari koja sad treba da u toj čitavoj situaciji da prikaže jednu mekoću čitavog tog kompleksa.

Druga stvar, saobraćaj je spušten dole, veze su kroz objekte direktne će biti veze kroz objekat i kroz taj park, ali je glavno dešavanje pješačko zapravo dignuto na prvu etažu gdje aktiviran prvu etažu skupno s prizemljem gdje bi se naravno sadržaji prizemnog gdje je bučnije bi se razvije neke trgovine itd. a na ovom gornjem mirnijem pješačkom dijelu do kojeg se dolazi i biciklom i motorom i sve je to povezano bi bili neki ugostiteljski itd. plitki sadržaji i bukvalno ovo što vidite slobodni linija je zapravo taj jedan novi vid tržnog centra. Koji ne izgleda kao tržni centar. Povezan je sve, nisam htjeo klasične tržne centre iako su investitori htjeli tržni centar jer

oni uvijek dođu sa istim zahtjevima tržišni centar, hotel itd. Ja sam htjeo nešto da to bude drukčije i oni su naravno ovo oduševljeno prihvatili i krenuli u tom pravcu, dakle da se ne osjeti klasični tržišni centar, a da se dobije faktički tržišni centar na otvorenom jednom skupu i da se iznad njega i pored njega razviju sada i poslovni prostor i hotel itd.

To je dakle taj donji prvi suterenski dio koji je faktički javni, a ispod njega se javljaju još dvije etaže koje su privatne i opslužuju stanove i poslovne prostore, hotel itd.

A ovo je bio kompletan javni podzemni parkir, parkir, parkirna garaža za čitav centar i za vanjske korisnike, odnosno za građane.

Daj dalje. Ono što je meni bitno bilo, a to sam naveo crvenom bojom, a to je jedna etaža pod zemljom i ovih četiri na nekom dijelu pet i šest, zavisno od arhitekture je javni sadržaj koji je zapravo za svakog posjetioca izvana.

Ostalo su onda poslovni, hotelski, stambeni itd. sadržaji koji su relativno sada privatnijeg karaktera. Ali čitav je aktiviran gradski i trebao bi da se osjeti da to nije u smislu nekom da se osjeti čovjek tu strani nego je sve to dio grada.

I takav je bio princip i pristup ovoga izrade. Ono što to mislim sad neke detalje nema potrebe da vas u tom smislu davim. Napravili smo dakle jedan pet, šest minuta film animacije koja to pojašnjava i neke slike iza da se malo vidi situacija i atmosfera.

Sve ostalo je u stvari tehnički detalji izvođenja ovo, ono. Malo je komplikovano jer se sve širi prema gore, a širi se da bi taj javi sadržaj da ljudi bi imali osjećaj da nisu tako blizu zgrade itd. da je dole to jako otvoreno.

To će se vidit sada na ovom snimku. Hvala. (Emitovanje snimka čini sastavni dio stenograma op.a.). (Aplauz.)

MIREL MIŠKOVIĆ

Gradonačelnice izvolite.

JASMIN IMAMOVIĆ – Gradonačelnik Grada Tuzla

Dragi prijatelji, dakle smatram da je ovo tačka naglog zaokreta. Mislim u 21. stoljeću, kad je Tuzla u pitanju, tu najviše bio projekat Vode, pa 2007. zaustavljanje tonjenja, pa onda projekat slanih jezera, ali vidite u kakvoj smo situaciji, stalno govorimo direktne strane investicije treba nam novca, direktnih stranih investicija a da naši ljudi tu rade. I ne ide, ne ide, ne ide ali nema ništa što se ne desi ako se, ako je čovjek uporan, ako smo mi kao društvo, kao grad uporni.

Arhitekta Faruk Kapidžić meni ispriča, kad je kao borac Armije BiH, na položajima oko Sarajeva zašto on hoće da to bude kao kristal soli. 32 dana su jeli neslanu hranu. Imali su hranu, ali nema soli. Čekala se so iz Tuzle. Jedva su hodati mogli. Kad je došla so, ostvarili su sve ciljeve. Ali ta radost zbog pojave soli koja je došla helikopterom u Tarčin, koliko se Faruk sjećam, je bila neopisiva.

I dobijemo i proluku da investitori angažiraju ugledni Arhitektonski biro iz Sarajeva koji je more važnih objekata projektovao u novijoj istoriji arhitekture Bosne i Hercegovine, posebno Sarajeva. I da neko ko još to je svjestan snage soli, soli života sve se nama to poklopilo.

Radi se o investiciji koja je blizu milijardu. Najvećoj poslijeratnoj investiciji u Bosni i Hercegovini. Vi znate kad je blizu milijarda blok 7 evo petnaest godina se pregovara, dogovara i mislim da je ovo prilika za veliki zaokret, pogotovo u ovom momentu kada tužno gledamo kako kolone, pretežno mlađih sugrađana odlaze da traže posao negdje vani.

Ovo treba da bude jedan pozitivni potres. Ovoj najvećoj poslijeratnoj investiciji Bosni i Hercegovini mjesto jeste u Tuzli. Ovo jeste najstariji grad u Bosni i Hercegovini. Po ovoj slanoj zemlji naša mati Bosna i Hercegovina je dobila ime.

Ovo jeste najmultikulturalniji grad u Bosni i Hercegovini. Zašto su se investitori u poređenju različitih gradova opredijelili za Tuzlu ne mogu o tome puno govoriti, ali sam na to ponosan.

To su zaslužile generacije i generacije Tuzlaka. Da ne ode u neki drugi grad u bivšoj Jugoslaviji i u neki drugi grad u Bosni i Hercegovini.

Ovo bi mogla biti neslućena snaga. Ovo je tako lijepo i ovo je toliko velika prilika da ja naprosto ne smijem da se radujem unaprijed. Ali vidim investitori su velika sredsta i veliko vrijeme uložili u projektovanje. U idejni projekat. U idejni projekat. Sad slijede glavni projekti, koji su u toku, to znam pito sam gospodina Kapidžića.

Da mislim da ovo nije običan trenutak. Da ovo nije običan trenutak. Da je ovo važan trenutak za budućnost ne samo Tuzle nego i Bosne i Hercegovine. Jer ako ova investicija dođe. Ako ovdje dođu jaki investitori onda će i naša sigurnost biti veća jer će braneći svoju imovinu braniti i ovu zemlju i ovaj grad.

Evo dragi prijatelji ovo je prijedlog. Do sada mi ljepši nismo imali. Hvala vam za ovaj aplauz i ja se nadam da ćemo jednoglasno dati priliku ovoj investiciji da se realizuje.

Put od 70000 koraka počinje prvim korakom. E ovo je u stvari u nizu malih sitnih koraka veoma važan, pravi i istinski prvi korak i ja vas molim da zajedno zakoračimo sigurno, moćno i ovako lijepo u taj prvi korak tako što ćete prihvatiti prijedlog i izglasati ovu odluku.

Bilo bi mi drago da bude jednoglasno da mogu investitorima reći da je odluka bila jednoglasna, a koliko imamo partija i klubova itd. Hvala vam.

MIREL MIŠKOVIĆ

Zahvaljujem gradonačelniku. Pitam da i ima potrebe da se počitaju izvještaji komisija? Ako nema, otvaram raspravu klubova vijećnika.

Za riječ se javio prvi Mirnes Ajanović, Klub vijećnika BOSS. Izvolite.

MIRNES AJANOVIĆ - vijećnik Bosanske stranke

Hvala predsjedavajući. Pozdrav svima i koji će nas gledati naravno, pa i onim koji neće. Gradonačelnik završava svoju diskusiju time da zakoračimo u ovaj projekat. U stvari to je činjenica da smo zakoračili u budućnost.

Ja sam sinoć dodatno pregledavajući materijal, pripremajući se za sjednicu taj materijal koji smo dobili, bilo bi lijepo da imamo i ovaj video, pa i neka se objavi prijedlog na zvaničnoj tuzla.ba stranici da ima svako priliku da vidi pa i ova eto knjiga koju možemo nazvati knjižica, projekat. Supruga je prvo gledajući piše Tuzla, kaže je li ovo zaista u Tuzli. Jeste futuristički, jeste budućnost i prezentacija ovog samog videa je bila treba to reći, obzirom na lokaciju Livnica, kao salivena.

Baš je tako urađeno. Dobro zamišljeno. Ono što se meni posebno sviđa jeste da je arhitekta Kapidžić rekao, ljudi u Zavodu shvatili su da mi je to bitno, kada je govorio kako treba uraditi ovdje.

Prije to nismo imali. I ta nova svijest Zavoda za urbanizam, novi direktor, evidentno se pokazala potpuno ispravna i dobra. Prije smo imali ta uslovljavanja Zavoda biće ovako kako oni hoće, oni su najpametniji, niko ne zna pametnije od njih. Oni su bili iznad Službe za prostorno

uređenje. Drago mi je da imamo sada da evo gradonačelnik i to uspostavio da je zavod Upravna organizacija što i jeste. Servis Službe za prostorno uređenje, gradonačelnika i na kraju Vijeća. I to rezultira ovakvim evo projektima gdje saraduju sa arhitektama, ne prave se pametniji od onih koji žele da urade i pomognu, investiraju grad, nego slušaju njihove zahtjeve, uklapaju se i imamo i s njihove strane dosta dobar futuristički projekat.

Malo bih oko ovoga slane zemlje koja se bosom zove. To kaže gradonačelnik. Jer odatle je krenula i jeste naziv države Bosne od staroi imena BOS i to sa dva s. Ja. Nekad gradonačelnik kaže, ne mogu tolko hvaliti, jer ima BOSS u Tuzli. Pa ispade reklama. Potpuno ga razumijem, ali treba o tome govoriti jer to je tako. Eto nisam ja htio, potrefilo se da je BOSS.

Pa i 9. maja 94-te formiran presudom Suda na dan Pobjede nad fašizmom, sticajem okolnosti koji je zaista zanimljiv. Ali mi je ovo bitno, što kaže gradonačelnik, upornost rezultira evo i ovakvim projektom.

Nadamo se da će ovo biti u nekom skorijem vremenu. Možda ćemo kasnije dobiti informaciju kada bi se moglo ovo očekivati. Nebitno je. Dobro je zamišljeno, pa i okolnost da se u Tuzli evo ovako čovjek ili kompletan tim, investitori potrudili, uložili sredstva da bi ovo prezentirali i uradili pokazuje dovoljnu dozu ozbiljnosti da će ovakav projekat biti i realizovan.

A ovo upornost gradonačelnika vraća me u davna vremena 90 i krajnje neke kada su isto u Tuzli govorili ne može se riješiti vode, pa kada smo ih napadali, kritikovali i bivšeg gradonačelnika pogotovo žestoko pa evo na kraju se pokazalo da može.

Pa sam bio neprijatelj grada kada sam govorio, zaustavite nekontrolisano korištenje slanice. Pa bio gore na onim sonim bunarima, pa govorili ti nisi normalan gdje ćeš to uraditi, to nije uzrok itd. pa onda i to se desilo, pa onda me neki i dan danas malo zezaju kažu ono da ja čamcem kad sam plovio na Panonici pa govorio da ovdje može biti jezero pa opet nisi normalan pa i to se desilo.

Ali sve to je rezultiralo sukobima, zahtjevima, ovo što reče gradonačelnik, na kraju i upornošću.

Dakle, upornost svih nas u vremenima kada smo ismijavani, pa ujedno i gradonačelnika kada je pomenuo i pristao na projekat slanih jezera gdje su ga svi smatrali nenormalnim, mogu tako slobodno reći, tako je bilo ispočetka, a evo danas jezera su svjetska atrakcija.

Dakle, ta upornost mora postojati kod ljudi koji znaju šta hoće i da žele biti u dobrobiti svome gradu i svojoj državi. U to ime ovaj nije više mali korak čovjeka, nego zaista veliki korak čovjeka u budućnost i zadovoljstvo mi je da učestvujem u ovome i da sam od kada sam u ovom Vijeću, evo već pune dvije decenije, dao i svoj doprinos da grad Tuzla sutra bude grad budućnosti. Hvala. Toliko.

MIREL MIŠKOVIĆ

Zahvaljujem. Dalje za riječ se javio Mensur Alić, ispred Kluba Tuzlanske alternative. Izvolite.

MENSUR ALIĆ - vijećnik Tuzlanske alternative

Pozdravljam sve prisutne. Imo sam priliku ovo pogledat i mogu samo reći da sam oduševljen.

Ono kad čovjek ima viziju, kad ima pravac u životu može sve ostvariti. Važna je upornost. A uporni prave velike stvari u životu.

Ovo ne samo da je investicija koja će doći u ovaj grad i u Bosnu i Hercegovinu nego ona duplo više donosi prilikom izgradnje. Jer privreda automatski se uključuje u ovaj dio i prilikom gradnje, a i poslije toga jer će doći do povećanja stanovništva na prostorima grada Tuzle upravo na ovoj lokaciji i naravno da privreda će jačati sa ovom izgradnjom i poslije izgradnje.

Ono što je takođe bitno istaći da ovo dopunjuje turističku ponudu grada Tuzle uz sve ove sadržaje koje imamo, da ne nabrajamo sad, o jezerima posebno pričat, to je da kapaciteti ovog grada će biti mali za one koji će htjet doći i posjetiti grad Tuzlu.

Ja sam nekima pokazivao ovo prije desetak dana nisu mogli da vjeruju da je ovo u Tuzli. Ja sam ovo nazvao mali Dubai. Hvala lijepo.

MIREL MIŠKOVIĆ

Zahvaljujem. Dalje za riječ se javio Emir Hodžić, ispred Kluba SDP-a. Izvolite.

EMIR HODŽIĆ - vijećnik Socijaldemokratske partije

Pozdravljam sve prisutne. Prije svega bih htio reći da moramo pohvaliti naše nadležne službe koje su po običaju, kao skoro uvijek do sada, radile bezprijekorno svoj dio posla.

Ja sam još uvijek pod velikim dojmom ovoga što sam imao priliku da vidim, tako da mi je osnovna misao zbog koje sam se javio već malo pobrkana pa ću pokušati ovako to da kažem.

Jer ja sam fasciniran svim ovim što vidim. Ovo su neslućeni potencijali sa razni aspekata korisnih za grad turistički, ekonomski, urbanističkih itd.

I naravno, ništa novo neću reći, predpostavljam da ste i svi ostali koji ste ovo gledali stekli isti dojam, htio bih samo reći, da bi mi kao Gradsko vijeće trebali u svakoj novoj prilici vezano za odluke koje se budu trebale donijeti za ovaj projekat damo sve od sebe da bude što brže, kvalitetnije i da, ako bog da, mi malo stariji doživimo realizaciju ovoga projekta. Jvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema zatvaram raspravu klubova vijećnika. Otvaram raspravu vijećnika. Za riječ se javio Elvir Bijedić, ispred SDP-a. Izvolite.

ELVIR BIJEDIĆ - vijećnik Socijaldemokratske partije

Zahvaljujem predsjedavajući. Pozdravljam sve prisutne. Pa trudit ću se da budem što kraći. Prije svega želim da se zahvalim gospodinu Kapidžiću na naporima da ovaj projekat izgleda ovako kako izgleda jer evidentno je da je ovdje, osim dakle, da tako kažem profesionalno odrađenog posla evidentno unesena i velika doza emocije kad je u pitanju i sam naziv i potpuno se dakle uklapa u ambijent ovakvog rada.

Imo sam potrebu da se javim kao vijećnik i da kažem da sam zaista privilegovan što danas, kao gradski vijećnik, mogu da dignem ruku za ovakav jedan projekat koji sam imao priliku da vidim i u moru sivih stvari na koje danas nailazimo svakodnevno ovo je zaista više nego osvježavajuće. Malo je reći.

Ja dakle neću da mojoj djeci ovih dana i narednih pričam o temama kao što su zveckanje oružja i da ne nabrajam imat ćemo danas priču i oko toga, za mene to nije realno. Za mene je

realno jedan ovakav projekat i ja hoću da im pričam o ovakvim projektima i hoću da moja djeca i djeca svih nas budu upravo ova koju smo vidjeli dakle u ovom jednom prigodnom filmu.

Želim još jednom samo da se zahvalim i izrazim nadu da ćemo danas zaista svi jednoglasno dići ruku i podržati ovakav jedan zaista imponzantan projekat. Hvala.

MIREL MIŠKOVIĆ

Zahvaljujem. Dalje se za riječ javio Edim Kadić, samostalni vijećnik.

EDIM KADIĆ – samostalni vijećnik

Prvo želim da vas sve pozdravim. Da ne bi ponavljao ovo što su prethodnici rekli, slažem se sa većinom što je rečeno. Naročito bi pohvalio sve one koji su učestvovali u izradi, prezentaciji, pripremi dokumentacije itd.

Imam samo jedno pitanje pošto će vjerovatno nas građani pitati na kad budemo izašli, kad se ovo bude prezentovalo, imamo li neki okvirni datum ukoliko sve bude kako treba, znači da ne bude nikakvih problema i oko imovinski odnosa i svega ostalog, kad bi ovo trebalo da počne da se radi i odprilike koliko je predviđeno vremenski da se gradi? Ako imamo okvirno to, znači ne možemo reći u mjesec, dva. Imamo li tu neke datume itd.? Hvala lijepo.

MIREL MIŠKOVIĆ

Zahvaljujem. Evo ako može gradonačelnik da odmah da odgovor.

JASMIN IMAMOVIĆ – Gradonačelnik Grada Tuzla

Nakon usvajanja regulacionog plana već ćemo dobiti zahtjev za pripreme radove. I da bi kopanje, dakle na terenu Selma gledam u vas tamo i u gospodina Kapidžića, malo se poneko nasmije kada se kaže, zahvaljuju se Kapidžiću, ljudi misle na Alena Kapidžića našeg vijećnika. Malo njega da znate podbadaju ovdje.

Mi se nadamo, ono što je rečeno. Ne ovisi o nama nego o investitorima da će dakle kopanje, ti zemljani radovi početi odmah u toku ove kalendarske godine.

Čak smo pripremili da to ide na Drežnik ta zemlja itd. A rok ovoga plana je pet godina. Dakle mnogo je zgrada. Mi znamo da jedna zgrada ove veličine u kojoj sjedimo se ne može napraviti bez dvije godine. Dakle mnogo je zgrada a rok trajanja je pet godina ovoga plana i nadamo se da bi to u narednih pet godina to do milijarde trebalo da bude realizirano ako ne bude nekih problema o kojima svi na isti način mi brinemo. Nekih drugih problema koji nisu vezani za ovaj grad.

MIREL MIŠKOVIĆ

Dobro. Zahvaljujemo. Dalje za riječ se javila Merima Softić Sprečić, SDP. Izvolite.

MERIMA SOFTIĆ SPREČIĆ – vijećnik Socijaldemokratske partije

Hvala predsjedavajući. Pozdravljam sve prisutne. Evo ovako. Ja bih samo htjela da kažem

da je zaista grad u kojem živimo, evo svojim dosadašnjim, reći ću ispravnim odlukama ali svi građani su svojim načinom življenja stvorili ovakav ambijent u našoj Tuzli u kojoj nam je evo danas predstavljen jedan ovakav projekat i ovako jedna važna investicija znači uopšte da smo dobili mogućnost da gradu na neki način poklonimo ovakav jedan mali, rekla bih, nadrealni ali fenomenalni grad.

Drago mi je što bi ta investicija mogla da bude realizirana akko naravno ne bude nikakvih drugih poteškoća u svim narednim koracima za pet godina, jer na neki način to je poklon svim onim građanima koji nisu u mogućnosti otići negdje dalje.

Znači da vide da je ovo nešto, iako je futuristički nadrealno, postoji daleko od nas, postoji u zemljama koje nisu ratovala i nisu bile unazađene, ali mogućnost je velika evo samim ovim što smo stvorili ambijent da jedna investicija u naš grad dođe onakva kakva izgleda u nekim dalekim zemljama, a koje oni sebi ne mogu priuštiti.

Posebna zahvalnost zaista evo čitavom timu koji je radio na tome da dovede jednu ovakvu investiciju u grad i ja sam naravno, kao građanin, evo i vijećnik zaista prijatno pozitivno iznenađena. Rekla bih nemam riječi jer ne mogu da upotrijebim dovoljno velike riječi koje opisuju ovakav jedan projekat koji bi mogao biti realiziran u našem gradu. Hvala još jednom.

MIREL MIŠKOVIĆ

Zahvaljujem Merimi. Dalje za riječ se javila Rejhana Dervišević, ispred SDP-a. Izvolite.

REJHANA DERVIŠEVIĆ - vijećnik Socijaldemokratske partije

Hvala predsjedavajući. Hvala vam. Pozdravljam sve prisutne naravno. Hvala vam za potpuno drugačiji početak sjednice Gradskog vijeća, dakle ovaj jedan kratki izlet u budućnost koja nakon i riječi našeg gradonačelnika zaista grije optimizmom.

Osjećam ja zadovoljstvo. Ponavljati neću što su prethodnici rekli da je investitor planirao i odabrao naš grad za ovakav jedan projekat.

Dakle, ja takođe samo želim dodati da se u ovom momentu zaista osjećam sretnom što sam članica Gradskog vijeća koja je na Dnevnom redu dobila ovakvu jednu investiciju i ovakav jedan prijedlog.

Dakle, eto još jednom, pa hval svima koji su imali učešće u ovakvom jednom velikom poduhvatu.

MIREL MIŠKOVIĆ

Zahvaljujem. Dalje za riječ se javio Sabahudin Imamović, samostalni vijećnik. Izvolite.

SABAHUDIN IMAMOVIĆ – samostalni vijećnik

Hvala predsjedavajući. Kolege vijećnici iz SDP-a su sve to toliko nahvalili da ja nemam šta ni dodati ni oduzeti. Naravno pridružujem se dobrim željama da to sve uspije u konačnici. Žao mi je što to zemljište nije prodao Grad Tuzla i dobro zaradio, ja ne znam koliko je zaradio sadašnji vlasnik koji je to kupio po sigurno nižoj cijeni nego što je prodao, ali eto tako je.

Nego, vidio sam tamo prilikom prezentacije da je predviđena izgradnja vjerskog objekta što je malo neuobičajeno za tuzlanske prilike, pa me interesuje je li to urađeno na intervenciju gradonačelnika? Hvala.

MIREL MIŠKOVIĆ

Evo može gradonačelnik da odgovori odma. Izvolite. Zašto mi nismo uzeli zemljište?

JASMIN IMAMOVIĆ – Gradonačelnik Grada Tuzla

Dakle zemljište je bilo na sudskoj licitaciji. I na toj licitaciji je moj kolega gospodin Džafić pobijedio ali ono što je srcu mom radosti visina ovih zgrada.

Dakle, značaj ove investicije je i u budućem izgledu budžeta Grada Tuzle jer ćemo naplatiti rentu, a iznos rente je neuporedivo i daleko veći nego cijena zemljišta. A moj prezimenjak onako se diskutuje uz osmijeh, dakle mi nismo mogli učestvovati u toj sudskoj licitaciji, a za nas je ovo bolji posao da neko drugi završi oko zemlje, a da mi, ako budemo dovoljno brzi i ako investicija krene naplatimo rentu.

Jer mi kada ovo krene, mislim da ćemo imati daleko, daleko manje problema sa budžetom, sa posebnim računom budžeta nego što smo imali do sada.

Inače moram reći kolegi Sabahudinu da jednako ulažemo i podržavamo gradnju objekata i katoličkih i pravoslavnih i muslimanskih.

Kad su u pitanju džamije teško će neko oboriti rekord i ovoga Vijeća i moj rekord kad je u pitanju podrška obnovi i gradnji džamija, ali naravno kad je u pitanju podrška i gradnji objekata i katolički i pravoslavni. Imamo i zahtjev oko jevrejskog objekta da se sinagoga obnovi, ja nikada nisam imao otpor ni u jednom sazivu Vijeća, a pogotovo ne u ovom. Eto.

A najviše sam se javio nisam naravno ja uticao, investitor odlučuje šta će da pravi, a meni je drago da će to da se napravi, ja bi samo još dodo uz džamiju i jednu katoličku crkvu i jednu pravoslavnu pa bi bilo ono sve OK da sam ja uticao. Hvala.

MIREL MIŠKOVIĆ

Zahvaljujem. Ima li još vijećnika prijavljenih za raspravu. Mirnes Ajanović, ispred BOSS-a.

MIRNES AJANOVIĆ

Ja sam već u diskusiji istakao da je potrebno i očekujemo kasnije informaciju o realizaciji pa jedan zaključak da kada se procijeni potrebnim i neke nove faze realizacije ovog projekta, odnosno regulacionog plana dostave se na Vijeće na znanje kako bi i mi mogli građanima to prezentirati, odnosno kako bi se to stavilo i na web stranicu tuzla.ba.

MIREL MIŠKOVIĆ

Dobro. Zahvaljujem. Dalje se za riječ javio Mensur Alić, Tuzlanska alternativa kao vijećnik. Izvolite.

MENSUR ALIĆ

Ja sam se više javio da otklonim jednu dilemu i da građanima Tuzle kažemo da znaju, jer mnoge neke priče koje kruže oko tog zemljišta da je to privatno zemljište.

Da Grad Tuzla, Gradska uprava nikakve nije imala mogućnosti niti je učestvovala u prodaji tog zemljišta jer to zemljište nije Gradske uprave, nije ovog Grada, to zemljište je bilo privatno i mnogi da mnogima odgovorimo na pitanje zbog čega je Livnica izmještena iz grada, pa nije je Grad izmjestio ovaj, nije ovo Vijeće izmjestilo Livnicu, nego je onaj čija je to Livnica, a ona je privatizovana.

Mi smo bili protiv privatizacije onakva kakva jeste u čitavoj Bosni i Hercegovini, a ne samo u Tuzli, ali ovo govorim da bi građani znali da je ovo Gradsko vijeće i ova Gradska uprava što se tiče tog zemljišta i svega čista kao suza.

Jedino šta je pohvala ovom Gradu i ovoj Gradskoj upravi što je našla investitora da investira ovakav projekat od milijardu vrijednosti, gdje ćemo vjerovatno i ovaj budžet u narednom periodu, što je gradonačelnik govorio popraviti sa nekih desetak miliona u narednom periodu, pa možda i više zavisno sve šta će se još graditi uz to.

Evo htio sam da to građani znaju jer te priče da razbijemo oko toga da je Grad, nije Grad vlasnik zemljišta. Zemljište je privatno. Privatnik ima pravo da svoje zemljište proda kome hoće, a naše je da donesemo regulacioni plan onakav kakav odgovara ovom gradu.

Evo toliko da razjasnim samo stvar. Hvala lijepo.

MIREL MIŠKOVIĆ

Zahvaljujem. Repliku ima Mirnes Ajanović, BOSS. Izvolite.

MIRNES AJANOVIĆ

Kolega Mensur je dobro potaknuo da raspravimo i to danas da ne bi bilo tih negativni repova koje vućemo a nismo odgovorili na njih.

Tačno jeste da se priča po gradu o tome, a tačno jeste da je opština odgovorna za to, pa i kanton, odnosno konkretno bivši načelnik i bivši predsjednik Vlade Tuzlanskog kantona koji su sve uradili da se sve privatizuje. Htjeli su i Centralno i privatizovali su i Vodovod i sve institucije u gradu i kantonu, za marku su prodavali firme ljudima koji su se okoristili a ništa nisu radili tako da taj dio odgovornosti nose, ali ne mi nego ljudi koji su prije bili na tim pozicijama i koji su rat i poslijeratno vrijeme iskoristili za lični profit.

Evo koliko se moglo popraviti treba istaći i to da ne samo da je moja inicijativa bila, možda je rezultirala, ali svejedno nego i aktuelnog gradonačelnika koji je nakon brojnih pritisaka smogao snage da se suprostavi pa eto i svojim kolegama iz stranke i da se krene u reviziju privatizacije i vraćanje imovine gradu Tuzla.

Eto to je rezultiralo da danas Grad Tuzla i pak ima dio imovine vraćene, nešto smo izgubili, ali evo uz saradnju gradonačelnika i Gradskog vijeća sa investitorima uspjeh ćemo bar kroz ovaj dio rente obezbijediti građanima još ljepši grad za druge projekte, za rješavanje i rubnih mjesnih zajednica i svih njihovih problema, naravno, kada ima novaca onda je sve mnogo lakše.

Toliko. Hvala.

MIREL MIŠKOVIĆ

Zahvaljujem. S obzirom da nema više vijećnika prijavljenih za diskusiju i evo obavještavam vijećnike da je maketa ovog projekta izložena u holu ispred sale koju još jednom možete pogledati na pauzi.

Sada stavljam na izjašnjavanje a) REGULACIONI PLAN ZBR (ZONE BUDUĆEG RAZVOJA) IRAC JUG - I FAZA U TUZLI i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, protiv prijedloga, ili kao suzdržani u odnosu na prijedlog. Glasanje je okončano.

Konstatujem da je a) REGULACIONI PLAN ZBR (ZONE BUDUĆEG RAZVOJA) IRAC JUG - I FAZA U TUZLI usvojen s 22 glasa za, bez glasova protiv i četiri glasa suzdržana.

Sada stavljam na izjašnjavanje b) ODLUKU O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, protiv prijedloga, ili kao suzdržani u odnosu na prijedlog. Glasanje je okončano.

Konstatujem da je b) ODLUKA O PROVOĐENJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI usvojena s 22 glasa za, bez glasova protiv i četiri glasa suzdržana.

Sada stavljam na izjašnjavanje c) ODLUKU O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, protiv prijedloga, ili kao suzdržani u odnosu na prijedlog. Glasanje je okončano.

Konstatujem da je c) ODLUKA O USVAJANJU REGULACIONOG PLAN ZBR (ZONE BUDUĆEG RAZVOJA) IRAC JUG - I FAZA U TUZLI usvojena s 22 glasa za, bez glasova protiv i četiri glasa suzdržana.

Pozivam sekretara Gradskog vijeća, da pročita zaključke proizašle iz rasprave.

SLADANA KRAJINA – sekretar Gradskog vijeća Tuzla

1. Gradsko vijeće Tuzla pohvaljuje Upravnu organizaciju Zavod za urbanizam kao i sve članove tima koji su učestvovali u pripremi, izradi i prezentaciji projekta Zone budućeg razvoja Irac Jug - I faza u Tuzli.

2. Gradsko vijeće Tuzla sugeriše predlagачu i obrađivaču materijala da se na web stranici grada Tuzla objavi video prezentacija projekta Zone budućeg razvoja Irac Jug - I faza u Tuzli kao i printana slikovna prezentacija.

3. Gradsko vijeće Tuzla smatra potrebnim informisati Vijeće o svim daljim fazama realizacije ovog projekta te sugeriše da se realizaciji projekta informišu i građani, putem web stranice Grada Tuzla.

4. Gradsko vijeće Tuzla će i ubuduće, kao i uvijek do sada, podržati ovakve projekte koji imaju za cilj privlačenje investicija, dalji razvoj grada i stvaranje povoljnijeg i ljepšeg ambijenta za život građana Tuzle i privredni, ekonomski i turistički razvoj grada Tuzla.

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, usvojeni s 26 glasova za, bez glasova protiv i bez suzdržanih glasova:

1. Gradsko vijeće Tuzla pohvaljuje UO Zavod za urbanizam kao i sve članove tima koji su učestvovali u pripremi, izradi i prezentaciji Regulacionog plana Zone budućeg razvoja Irac Jug - I faza u Tuzli.

2. Gradsko vijeće Tuzla sugerše predlagaču i obrađivaču materijala da se na web stranici grada Tuzla objavi video prezentacija Regulacionog plana Zone budućeg razvoja Irac Jug - I faza u Tuzli kao i printana slikovna prezentacija.

3. Gradsko vijeće Tuzla smatra potrebnim informisati Vijeće o svim daljim fazama realizacije ovog Regulacionog plana te sugerše da se o njegovoj realizaciji informišu i građani, putem web stranice Grada Tuzla.

4. Gradsko vijeće Tuzla će i ubuduće, kao i uvijek do sada, podržati ovakve projekte koji imaju za cilj privlačenje investicija, dalji razvoj grada i stvaranje povoljnijeg i ljepšeg ambijenta za život građana Tuzle i privredni, ekonomski i turistički razvoj grada Tuzla.

Svima vam zahvaljujem, a sada prelazimo na slijedeću tačku Dnevnog reda, to je tačka dva:

ODLUKA O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKE UPRAVE GRADA TUZLE

Predlagač je gradonačelnik Grada Tuzla.

Obrađivač je Stručna služba za poslove gradonačelnika.

Materijal su razmatrali Komisija za statutarna pitanja i propise, Komisija za ekonomske odnose i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema. Molim. Poslovnička. Izvolite. Elvir Kasumović.

ELVIR KASUMOVIĆ – vijećnik Saveza za bolju budućnost

Želim prije svega da pozdravim sve gledaoce pored mali ekrana, naše sugrađane i želim svima nama sretan rad na ovom današnjem Vijeću. Prije toga zamolio bi da nam se dostavi izmijenjen Dnevni red kako bi mogli pratiti i raditi po tom pitanju. (Printa se tehnički problem.) Pa evo da sačekamo dok se tehnički odradi.

MIREL MIŠKOVIĆ

Evo ide. Pošto su vijećnici dobili izmijenjeni Dnevni red. Nastavljamo sa radom. Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika. Za riječ se javio Mirnes Ajanović. Izvolite.

MIRNES AJANOVIĆ

Hvala. Uvijek je reorganizacija rada povoljna, potrebna, nekad zna biti i pogrešna, ali nakon što smo imali organizaciju, pa se vidjelo da kroz organizaciju može to biti bolje, evo sad imamo dakle tu opet reorganizaciju i neka. Ipak je bilo previše tereta na jednoj službi, na uslovno rečeno jednom šefu službe, pomoćniku gradonačelnika i dobro je to razdvojiti jer grad postaje jači, veći evo i ovaj projekat zahtijeva odvajanje službi.

Ono što jeste pozitivno, mi smo raspravljali na sjednici Komisije za statutarna pitanja i propise, malo i šire kao i uobičajeno po svakoj tački dnevnog reda. To je jedna vrsta mini vijeća gdje svi predstavnici daju svoje stavove, izjašnjavaju se na naša pitanja i da definišemo da ova reorganizacija i stvaranje dvije službe od jedne neće rezultirati nikakvim novčanim dodatnim sredstvima.

Sve se završava u okviru postojećih službenika, namještenika, dakle da ne bi bilo tih pitanja da li time dolazi do povećanja novčanih sredstava.

Ono što je meni posebno bitno i što sam ja raspravljao duže, odnosno tražio informacije od strane službi i službenika jeste u članu 2. Služba za ekonomski razvoj i poduzetništvo i poljoprivredu, pa i ova Služba za ekonomski razvoj i poduzetništvo dakle koja se definiše u članu 2. imamo pred kraj dvije tri zadnje alineje dakle kakve su nadležnosti vrši, evo citiram: „Preko nadležnih organa upravljanja vrši nadzor nad radom javnih preduzeća i javnih ustanova čiji je osnivač ili suosnivač Grad Tuzla u skladu sa Zakonom i o provedenim aktivnostima obavještava Gradsko vijeće i Gradonačelnika ukoliko Zakonom ili propisom Gradskog vijeća taj nadzor nije povjeren drugom organu.“

Ovo je jedno ogromno unapređenje u radu i ja zaista se zahvaljujem gradonačelniku i službama na ovakvoj vrsti reorganizacije i ovakvog nadzora. Mi shodno zakonu, odnosno Zakonu o osnovnim principima lokalne samouprave u članu 13. imamo okolnost da vijećnici odgovaraju za svoj rad.

Dakle možemo biti i krivično procesuirani. Nemamo nikakav imunitet po pitanju odgovornosti ili zaštite odgovornosti za donošenje odluka i zato je vrlo bitna ova stavka vršenja nadzora nad radom javnih ustanova i preduzeća.

S moje strane dakle, prvo pohvala na urađenom poslu, a ovo je dodatno posebno za pohvalu definisanje ovakve činjenice koja štiti obraz Gradskog vijeća i gradonačelnika jer sada službe imaju direktan nadzor. One su to mogle i prije, ali nije to bilo definisano.

I ja ću zatražiti da, evo nakon diskusije svih ili mene, sasvim svejedno, kako odluči predsjedavajući dobijemo informaciju jer se ovdje govori ukoliko zakonom ili propisom i da je to sve u skladu sa zakonom.

Ja znam da to se definiše kada se kaže u skladu sa zakonom ili zakonima i propisima onda je to najšireg mogućeg opsega.

Ako bi definisalo se koji su, možda bi neki propustili. Pa onda bi bilo problema i ovako je bolje.

Alil bih volio da se znanja radi i evidentiranja u zapisniku prezentira koji su to zakoni koji se odnose na ovu vrstu nadzora i po kojim osnovama dakle se nadzor može vršiti. To je opet proisteklo iz rasprave na Komisiji za statutarna pitanja i propise, a ono što bih ja još na kraju rekao jedan primjer zašto je to neophodno, zašto je ovo pozitivno, zašto se daje od strane mene, vjerujem i ostalih, pohvala ovakve vrste dodavanja i ovakve stavke koja je sad nedvosmislena i vrlo jasna da ne zavisimo mi samo od odluka upravnih ili nadzornih odbora javnih ustanova ili javnih preduzeća gdje oni su do sada pa eto relativno mogli da rade šta hoće.

Sve se svodilo na to kao oni su posebno pravno lice, mogu oni da rade šta hoće, a mi smo kao Vijeće nebitan organ ili službe ili gradonačelnik i ne možemo mi uticati na njihove odluke.

Dakle, ova okolnost vršenja nadzora nama omogućava sada da ne dođemo u poziciju da sutra mi imamo uprljan obraz svim i svačim od strane lica koji zloupotrijebe svoj službeni položaj, funkciju, namještenje ili bilo šta u okviru ovih javnih preduzeća ili javnih ustanova.

Gradsko vijeće jeste u protekloj godini već dijelom uspjelo skinuti sa sebe ljagu koja je bila javno prezentirana, ja se zahvaljujem kolegama vijećnicima svima vama osim jednog koji je glasao drugačije, svima vama koji recimo okolnost da niste dali saglasnost na izvještaj o radu

Javne ustanove Gradske apoteke Tuzla, a zbog činjenica da agencija za, državna Agencija za javne nabavke dostavila obavijest da su dužni primjenjivati Zakon o javnim nabavkama prilikom svog rada zbog okolnosti da u Zakonu o javnim nabavkama definišu se kao organ koji je obavezan primjenjivati tender i javnog to objavljujati na zvaničnoj web stranici Agencije za javne nabavke kada nabavljaju lijekove. Zbog činjenice da u Zakonu o javnim nabavkama Bosne i Hercegovine definiše se da se Pravilnikom definišu organi, odnosno pravna lica koja su dužna primjenjivati zakon bez obzira na član 4. odredbe, a da je u tom Pravilniku pod tačkom alinejom 10 definisano i zdravstvo a apoteke su po Zakonu o zdravstvenoj zaštiti dio zdravstva.

Dakle, pored svih tih činjenica gdje u zakonu, u dopisu, u pravilniku piše da se mora primjenjivati tender prilikom nabavke lijekova Javna ustanova Gradske apoteke Tuzla je relativno nedavno Vijeću dostavilo obavještenje da njima taj zakon predstavlja poteškoće u radu i da su oni odlučili ne primjenjivati taj zakon.

To ja nisam zapamtio da je igdje na Planeti, u istoriji ove Planete donjeo nekakav organ, privatno lice, odnosno u ovom slučaju pravno lice, privatnom, mislim da oni rade u svom privatnom interesu, a ne opštem, ali nebitno.

Da jedno pravno lice donese odluku da zakon neće poštovati jer im zakon predstavlja poteškoće u radu.

I još da kažem činjenicu oni prometuju 7.000.000 maraka godišnje odprilike nabavke lijekova direktnom pogodbom.

Dakle, sa svakim dobavljačem, distributerom lijekova, veledrogerijom, sasvim nebitno, kako to zvali jedno lice razgovara sa svakim od njih i dogovara uslove, cijenu, visinu, nabavku i sve ostalo.

Jedno lice. Tako je rekla direktorica na sudu prilikom saslušanja, da se radi o Edimu Kadiću. Okolnost da neko sa 7.000.000 maraka raspolaže, direktnom pogodbom nabavlja lijekove i ne primjenjuje zakon iako mu u opisu poslova piše da je dužan pratiti provedbu zakona i upozoriti na neprimjenjivanje.

Dakle dikretna odgovornost, okolnost takva evo sad u ovakvim odredbama vršenja nadzora ja se zaista nadam i vjerujem da se neće više ponavljati, da će evo i ova nova služba izvršiti potreban nadzor, tražiti da ne zavisimo mi samo od odluke tužilaštva zato što je građanska odgovornost šira od krivične.

Vi negdje možete eventualno u krivičnoj odgovornosti možda biti i oslobođeni od odgovornosti u smislu da se kaže nije dokazano da je uzeo novac.

Može se pretpostaviti 10% od 7.000.000 je 700.000 maraka. Za pet, šest sedam godina rada to je već tri, četiri miliona. Može se toliko uzeti. Taj privatni rabat recimo ili dogovor, kako kažu po apotekama koji dobavljači lijekova vrlo rado plaćaju ukoliko dobiju prioritet prilikom kupovine njihovog lijeka.

Ali, obzirom da je građanska odgovornost šira od krivične, a da mi predstavljamo građane i kroz to tražimo tu odgovornost lica koja to rade, kako ne bi čekali eventualno predugo na odluku tužilaštva koje je svakako istaklo da je istraga zbog nepoštivanja zakona u javnim nabavkama u Javnoj ustanovi Gradske apoteke Tuzla u njihovom izvještaju o radu za prošlu godinu najopsežnija istraga koju vrše.

Evo, mi imamo sad direktnu mogućnost da lica koja ne poštuju opis radnog mjesta, gdje im se nalaže praćenje zakonitosti u radu i naravno poduzimanju mjera u cilju zakona i koje je direktno radilo protiv zakona bude sankcionisan na način da odgovorna lica ili donesu odluke u cilju poštivanja zakona ili snose oni svi direktnu odgovornost.

Ja očekujem i od gradonačelnika, kao šefa službi dakle u okviru ovakve odluke i sam gradonačelnik kao šef službe ima sada obavezu da vrši nadzor nad radom javnih preduzeća i

javnih ustanova i sama činjenica da se nalazi u ovom aktu, u ovakvoj odluci ovakva formulacija vrlo je jasno opredjeljenje i samog gradonačelnika i nadam se da će i ostati pri tome da neće dozvoliti bilo kakvu manipulaciju nezakonito djelovanje i da će tražiti sankcionisanje i onemogućavanje u daljem kršenju zakona od strane takvih lica.

To je naša obaveza, dužni smo čuvati svoj obraz pred građanima jer time štitimo i obraz građana. U situaciji kada imamo ovakvu devijaciju u gradu Tuzla, kada imamo stanje koje nigdje nije zapamćeno, neka bilo ko kaže bilo gdje da je neko rekao da mu zakon predstavlja poteškoće i da ga neće primjenjivati mi zbog tog razloga imamo obavezu prema građanima da ne dozvolimo takvu manipulaciju.

Zamislite kada bi neko rekao PDV mi predstavlja poteškoću i ja ga neću primjenjivati. Poteškoću vam predstavlja i crveno svjetlo na semaforu, a bilo je takvih budala koje su to radile, moram tako reći, nisu htjeli da poštuju zakone Bosne i Hercegovine pa ih nisu primjenjivali, pa ih je na kraju država natjerala da ih primjenjuju.

Kako bi bilo kada bi svi tako, iz bilo kojeg razloga rekli da im nekakav zakon predstavlja poteškoću i da ga neće primjenjivati.

Mi kao Vijeće smo već rekli ne takvoj nezakonitosti. Donijeli odluku da nismo prihvatili izvještaj o radu. Evo ovim idemo dalje i ja sam kao vijećnik vrlo zadovoljan. Hvala gradonačelniku, službama i svima i tražim realizaciju ovi odredbi koje ćemo danas usvojiti. Hvala.

MIREL MIŠKOVIĆ

Zahvaljujem. Dalje za riječ se javila Nataša Perić, Klub vijećnika SDP-a. Izvolite.

NATAŠA PERIĆ – vijećnik Socijaldemokratske partije

Hvala. Pozdravljam sve prisutne. Klub vijećnika SDP BiH Tuzla će podržati ovu ODLUKU O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKOG UPRAVE GRADA TUZLE, a koja svoje temelje ima u revidiranoj Strategiji razvoja do 2016. obzirom da je dosadašnja Služba za ekonomski razvoj i društvene djelatnosti obavljala veliki obim poslova koji su po svojoj strukturi i prirodi posla raznorodni, nova organizacija će svakako doprinijeti efikasnijem obavljanju zadataka i boljim rezultatima.

I što je bitno, a naglašeno je u ovoj odluci neće doći do povećanja novih radnih mjesta što znači da Budžet Grada neće biti opterećen i tako da mi ćemo održati ovu odluku. Hvala.

MIREL MIŠKOVIĆ

Dobro. Zahvaljujem. Ima li još neko ispred Klubova vijećnika da se javlja za riječ? Ako nema, zaključujem raspravu klubova vijećnika, otvaram raspravu vijećnika. Ima li neko da se prijavljuje za diskusiju? Ako nema zatvaram i raspravu vijećnika.

Aha kao vijećnik. Izvolite. Mirnes Ajanović.

MIRNES AJANOVIĆ

Samo da ovo definišemo, dobijemo informaciju od obrađivača materijala u vezi propisa koji se moraju primjenjivati, a u vezi ovih okolnosti koje sam naveo nadzora nad radom javnih preduzeća i javnih ustanova.

MIRNES AJANOVIĆ

Pozivam Stručnu službu za poslove gradonačelnika da se, ako mogu, ako su u prilici, daju odgovor na ovo postavljeno pitanje.

SVJETLANA KAKEŠ – rukovodilac Stručne službe za poslove gradonačelnika

Dobar dan ja vas sve ovako i zvanično pozdravljam. Želim vam ugodan rad danas.

S obzirom da ste rekli da nije potrebno uvodno izlaganje ja se neću ni referisati na druge činjenice vezane za ovu odluku (MIREL MIŠKOVIĆ – Samo odgovor.) nego samo odgovor vijećniku na postavljeno pitanje.

Kao što je vijećnik Ajanović i rekao u članu 2. ODLUKA O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKO UPRAVE GRADA TUZLA između ostalog stoji Služba za ekonomski razvoj, poduzetništvo i poljoprivredu po novoj odluci, preko nadležnih organa upravljanja vrši nadzor nad radom svih javnih preduzeća i javnih ustanova čiji je osnivač ili suosnivač Grad Tuzla u skladu sa zakonom i to je ono na čemu je potencirao vijećnik da se pojasni i o provedenim aktivnostima obavještava Gradsko vijeće i gradonačelnika ukoliko zakonom ili propisom Gradskog vijeća taj nadzor nije povjeren drugom organu.

Što se tiče znači precežiranja ove odredbe nadzor nad radom javnih ustanova i javnih preduzeća konkretno je definisan Zakonom o ustanovama Republike Bosne i Hercegovine Službeni list Socijalističke Republike Bosne i Hercegovine 2/92. i 13/94., Zakon o zdravstvenoj zaštiti Federacije Bosne i Hercegovine Službene novine Federacije BiH 46/10. i 75/13., Zakon o javnim preduzećima Federacije Bosne i Hercegovine Službene novine Federacije 8/05., 81/8., 22/9. i 109/12., Zakon o privrednim društvima Federacije 81/15. i naravno to su zakoni gdje koji baš tretiraju i bave se nadzorom nad radom javnih ustanova i javnih preduzeća i naravno tu je još čitav niz drugih materijalnih zakona i propisa koji uređuju pojedine oblasti iz kojih su osnovana javna preduzeća i javne ustanove kao što je Zakon o socijalnoj, zavisi od djelatnosti, kao što je na primjer Zakon o socijalnoj zaštiti, Zakon o bibliotečkoj, pozorišnoj djelatnosti itd.

To je vezano za druge djelatnosti, a što se tiče nadzora to su ovi zakoni i objavljeni u ovim službenim novinama odnosno službenim listovima koje sam pobrojala. Hvala lijepo.

MIREL MIŠKOVIĆ

Zahvaljujem. Ako ste zadovoljni odgovorom ja zaključujem raspravu vijećnika.

Sada stavljam na izjašnjavaње ODLUKU O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKO UPRAVE GRADA TUZLE i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je ODLUKA O IZMJENAMA I DOPUNAMA ODLUKE O ORGANIZACIJI I DJELOKRUGU RADA GRADSKO UPRAVE GRADA TUZLE usvojena s 25 glasova za, bez glasova protiv i bez suzdržanih glasova.

Pošto nemamo zaključaka prelazimo na slijedeću tačku Dnevnog reda. To je tačka tri:

ODLUKA O VISINI ZAKUPNINE STAMBENIH JEDINICA IZGRAĐENIH U PROJEKTIMA CEB II I RSP

Predlagač je gradonačelnik Grada Tuzla.

Obrađivač je Služba za boračko-invalidsku zaštitu, stambene poslove i integraciju raseljenih lica.

Materijal su razmatrali Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Ako nema.

Pitam da li ima potrebe da se pročitaju izvještaji komisija. Ne treba.

Otvaram raspravu klubova vijećnika. Javlja li se neko za riječ? Ne javlja. Javlja. Mirnes Ajanović. Izvolite.

MIRNES AJANOVIĆ

Hvala predsjedavajući. I ovo je tačka o kojoj smo više puta raspravljali na Komisiji za statutarna pitanja i propise gdje se govori o ovim zgradama koje su usmjerene na socijalno ugrožene kategorije stanovništva i njihovoj zakupnini koja relativno nije sporna i radi se o nečemu što je minimalno i ovo je samo forme radi međutim, ja bih još jednom istakao ono što smo već naglasili, možda je bilo potrebno još jednom običi građane, sugrađane ovog područja Miladija koje gravitiraju i koje se nalaze uz ove zgrade, uz ovaj kolektivni centar sa objašnjenjem obzirom da su oni imali određene proteste i primjedbe gradnje samih objekata da tu dolaze sasvim upoznati ljudi sa svim propisima koje moraju poštivati u vezi stanovanja u ovim zgradama.

Nekada se izražava sumnja da mou doći i problematične osobe ali svi oni koji koriste ove zgrade morat ce potpisati ugovornu klauzulu i ona će biti stavljena i kao obavještenje u okviru samih zgrada i oglasnih tabli da se može svima uskratiti korištenje ovog stana ukoliko ne koristi stan na način da to ne remeti niti stanare, niti okolinu zgrade.

Dakle, nema mogućnosti neko da to sad zloupotrebljava, daje u podnajam, da tu dolaze osobe koje mogu učiniti razne eventualne nereda nego je svako upozoren, pa još jedan zaključak dakle da i predsjednici mjesne zajednice zajedno sa službom još jednom porazgovaraju sa građanima koji još uvijek izražavaju određena negodovanja, ne treba to dakle, do su građani Tuzle koji su živili na lokacijama prethodnim u Mihatovićima ili sasvim nebitno gdje su živjeli u Bosni i Hercegovini i imaju sada mogućnost da žive ovdje. I sa svim tim dodatno porazgovarati korisnicima stanova jer ljudi kada potpisuju ugovore većinom ne čitaju sadržaj ugovora.

Ne gledaju te klauzule koje su vrlo bitne za njih te i taj zaključak da se sa svima obavi usmeni razgovor o dakle pravima, ali i obavezama koje sleduju za ovakvu vrstu socijalnog rješavanja ljudi kojima je to potrebno.

Dakle, mi ovdje pravimo određene benefite, dajemo mogućnost korištenja stanja, stana uz 80 feninga po kvadratnom metru što je minimalno zaista van svih okvira za nekih 20 maraka, 30 faktički imate mjesečnu stanarinu što je manje nego naknada za djelatnosti koje plaćaju se za održavanje zgrade i upravitelje, ali obaveza postoji.

Da se ne bi desilo sutra da postoje dodatni problemi i svi moraju biti adekvatno upozoreni, dakle i oni koji žive okolo tih zgrada, ali i korisnici zgrada i da to ipak stoji redovno dakle taj kućni red uz tu klauzulsku ugovornu odredbu o okolnosti i mogućnosti gubljenja prava na korištenje tog stana.

Dakle ovi stanovi se ne daju u privatno vlasništvo. Oni su pod zakupom. dok god se koriste u skladu sa propisima, opštin društvenim normama života na način da ne ugrožavaju niti sebe niti okolinu svi ih mogu koristiti. U suprotnom gube prava korištenja stana. Toliko. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema, zatvaram raspravu klubova vijećnika, a otvaram raspravu vijećnika. Javlja li se neko za riječ? Ne javlja. Zatvaram raspravu vijećnika.

Sada stavljam na izjašnjavanje ODLUKU O VISINI ZAKUPNINE STAMBENIH JEDINICA IZGRAĐENIH U PROJEKTIMA CEB II I RSP i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je ODLUKA O VISINI ZAKUPNINE STAMBENIH JEDINICA IZGRAĐENIH U PROJEKTIMA CEB II I RSP usvojena s 22 glasa za, bez glasova protiv i bez suzdržanih glasova.

Pozivam sekretara Gradskog vijeća, da pročita zaključke proizašle iz rasprave.

SLAĐANA KRAJINA – sekretar Gradskog vijeća Tuzla

1. Gradsko vijeće Tuzla sugerše da predstavnici Mjesne zajednice, zajedno sa resornom Službom, još jednom obave razgovor sa građanima koji su izrazili svoje negodovanje zbog useljavanja ovih korisnika u stambene na području njihove mjesne zajednice.

2. Gradsko vijeće Tuzla takođe sugerše da se sa svim korisnicima stambenih jedinica izgrađenih u projektima CEB II i RSP obavi usmeni razgovor tokom kojeg će se korisnici upoznati sa njihovim pravima ali i obavezama koje proističu iz potpisani ugovora te da se upozore i naročito upoznaju sa odredbama Odluke o kućnom redu.

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća. Može. Izvolite.

MIRNES AJANOVIĆ

Samo ovaj dio i o kućnom redu, kao i o okolnosti da je moguće izgubiti pravo na stanovanje ukoliko se bude remetio kućni red tako nešto. Da se zna to, da bude u glavama da neko ne dođe pa da se sili ili pravi sileđija tamo okolo i eventualno da maltretira i stanare ili okolni komšiluk.

MIREL MIŠKOVIĆ

Dobro. Sa ovom dopunom stavljam na izjašnjavanje zaključak koji je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, usvojeni s 22 glasa za, bez glasova protiv i bez suzdržanih glasova:

1. Gradsko vijeće Tuzla sugerije da predstavnici Mjesne zajednice, zajedno sa resornom Službom, još jednom obave razgovor sa građanima Miladija, koji su izrazili svoje negodovanje zbog useljavanja na području njihove Mjesne zajednice korisnika socijalnog stanovanja u stambene jedinice izgrađene u projektima CEB II i RSP.

2. Gradsko vijeće Tuzla takođe sugerije da se sa svim korisnicima stambenih jedinica izgrađenih u projektima CEB II i RSP obavi usmeni razgovor tokom kojeg će se korisnici upoznati sa njihovim pravima ali i obavezama koje proističu iz ugovora kao i iz Odluke o kućnom redu u stambenim zgradama te da se naročito upoznaju i upozore na okolnost da mogu izgubiti pravo na korištenje stana, ukoliko budu kršili odredbe ugovora ili odredbe Odluke o kućnom redu u stambenim zgradama.

Prije nego što pređemo na četvrtu tačku Dnevnog reda dajem pauzu od 30 minuta.
(Pauza)

ALEKSANDAR VUJADINOVIĆ – predsjedavajući Gradskog vijeća Tuzla

Nastavljamo s radom. Prelazimo na četvrtu tačku Dnevnog reda:

ODLUKA O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLE

Predlagač je gradonačelnik Grada Tuzla.

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica, Komisija za prostorno uređenje i zaštitu okoline i klubovi vijećnika

Amandmane na ODLUKU O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLE (3 amandmana) blagovremeno je, u skladu sa članom 127. Poslovnika Gradskog vijeća Tuzla, dostavio Klub vijećnika Tuzlanske alternative.

Podneseni Amandmani Kluba vijećnika Tuzlanske alternative su dostavljeni predlagaču radi dostavljanja mišljenja i prijedloga o Amandmanima, u skladu sa članom 127. stav 5. Poslovnika Gradskog vijeća Tuzla.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika i pozivam podnosioca Amandmana, da ukoliko to smatra potrebnim, obrazloži podnesene Amandmane. Predsjednik Kluba Tuzlanske alternative Nedžad Malikić.

NEDŽAD MALIKIĆ – vijećnik Tuzlanske alternative

Hvala predsjedavajući. Evo imamo jako bitnu odluku o izmjeni i dopuni odluke, pardon, pardon, ja sam pogriješio uzeo sam drugi materijal. Jako bitnu odluku koja mislim da će u

mnogome pomoći kad je u pitanju aerozagađenje na području grada Tuzle. Mi smo, ako se možemo sjetiti kada je bio u pitanju sam nacrt sugerisali da jednostavno u toj odluci na neki način trebamo pokušati da na neki način obuhvatimo što veći broj građana, odnosno stambenih jedinica.

U prvobitnoj odluci koja je to tretirala to trebaju biti samo objekti koji imaju građevinsku dozvolu ili upotrebnu dozvolu tada sam ponovo tražio da to bude na neki način ili potvrda o podnešenoj legalizaciji jer moramo samo da znamo jednu činjenicu na području grada Tuzle imamo veliki broj objekata koji su podnijeli zahtjev za legalizaciju i kao takvi su tu, kao takvi i koriste sve ove ogreve na žalost koji su na neki način i sami zagađivači i smatrali smo tada i smatramo i danas da bi i ti objekti trebali da na neki način budu obuhvaćeni ovom odlukom i da na neki način ovaj Grad subvencionira i te objekte kako bi i oni prešli na alternativna, odnosno na ove pumpe koje smo planirani.

Ovom prilikom moram istaći da sam kao vijećnik godinama tražio na neki način da se odvoje finansijska sredstva kada je u pitanju subvencioniranje bilo koje vrste peći tada sam ja naravno govorio da i peć na pelet je ekološki prihvatljivo gorivo, ali evo ovo je, kada su u pitanju ove potisne pumpe nekako još, hajde da kažem, još bolje i na neki način drago mi je što smo u ovom Budžetu odvojili 500.000 KM kao pilot projekat da vidimo kako i na koji način.

Ja sam tada reko, nadam se da su ovo sredstva početna i da ćemo čak i u ovoj godini imati puno više sredstava kako bi na neki način odgovorili ovom aerozagađenju koje na žalost imamo na području grada Tuzle.

Kada je u pitanju bio proširenje toplifikacije to je se pokazalo na kraju kao nešto jako dobro. Međutim to je toliko išlo sporo i toliko iziskivalo finansijskih sredstava za veoma mali broj objekata.

Ovo je znači nešto što može ići jako brzo. Ova sredstva mogu vrlo brzo krenuti, ići u operativaciju itd. mislim da može jako brzo postići se efekat.

Imajući u vidu da će, da će ova sredstva od 500.000 maraka koja će biti operativna u ovoj godini biti naravno i povećana i smatram da ne bi došli u situaciju da se desi da na kraju imamo sredstva na raspolaganju a da nemamo korisnika koji ispunjavaju uslove da na neki način apliciraju i smatram da ovaj Amandman je opravdan i da ove objekte koji su naravno tu, koji su priključeni na svu ostalu komunalnu infrastrukturu kako električnu energiju, kako kanalizaciju, vodu, grijanje gdje je prošla toplifikacija itd. itd. smatram da kroz ovu odluku odluku trebamo definisati da ti objekti, kao što sam naveo u Amandmanu da između ostalog svi oni koji posjeduju potvrdu o legalizaciji budu obuhvaćeni i da mogu aplicirati.

Ja se slažem da svi naši građani koji imaju građevinsku dozvolu da hajde da kažem imaju neki prioritet prilikom prvih ovih sredstava, ali u narednom takođe periodu mogu i ovi aplicirati i da imaju, da mogu ispuniti uslove kako bi se priključili na, odnosno kako bi ostvarili pravo na subvenciju.

Mislim da, voio bi da i ostali se uključe da vidimo kakvo je njihovo mišljenje, ali mislim da da je ovo Amandman koji će u potpunosti biti podržan od strane ovoga Vijeća i da će imati svoju opravdanost.

Eto toliko za početak. Naravno ja ću se javiti i u drugom dijelu samo više o Amandmanu zbog čega jer ja sam to tražio da ta u samom nacrtu bude i u odluci, međutim onog trenutka kada sam vidio da to nema u ovoj odluci naravno tad smo i uložili ovaj Amandman što se tiče Kluba Tuzlanske alternative mi ćemo ostati pri ovom Amandmanu. Hvala.

ALEKSANDAR VUJADINOVIĆ

U redu. Hvala lijepo. Samo želim da podsjetim vijećnike da su Mišljenje i prijedloge predlagača ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLE, gradonačelnika Grada Tuzle, o podnesenim Amandmanima Kluba vijećnika Tuzlanske alternative dobili neposredno pred početak današnje sjednice Gradskog vijeća.

Sljedeći se za riječ javio Elvir Mahmuzić ispred Kluba vijećnika SDP-a. Izvolite.

ELVIR MAHMUZIĆ - vijećnik Socijaldemokratske partije

Zahvaljujem predsjedavajući. Nastojat ću da budem vrlo koncizan. Dakle mi smo na prošloj sjednici imali i Nacrt ove odluke gdje sam upravo ja ispred Kluba vijećnika SDP-a i podržao sam Nacrt i evo vidim da je bilo nekih izmjena i eto čestitam Službi za komunalne vjerovatno su i uvažili i zahtjeve u toku javne rasprave, mislim da se radi o nekim tehničkim stvarima o unapređenju samog Nacrta ove odluke.

Ja mislim da je ovo jedna dobra ideja kao što sam to i prije rekao da se sufinansiraju ove jedna od ove dvije mjera u toku jedne godine, dakle ukoliko se građani odluče da kupe ove pumpe bit će im sufinansiranje u iznosu od 5.000 maraka s tim da tek sljedeće godine mogu aplicirati je li tako? Ne, ne iste godine za, za, za dvije mjere.

Ja se iskreno nadam da će ovo uroditi plodom, da će što više građana se uključiti u javnim pozivom, prijaviti na javni poziv kako bi riješili taj problem. Mi kao Gradsko vijeće smo se i obavezali da ćemo raditi sve da smanjimo nivo aerozagađenja u našem gradu i imali smo tih dosta i sjednica i tematskih i rasprava i evo ovo je jedna u nizu ovih odluka koje mi kao Gradsko vijeće smo, nadam se da ćemo i ovu odluku donijeti. Dakle ovo je još jedna od mjera kojim će se evo na neki način smanjiti nivo aerozagađenja u gradu.

Jako mi je interesantno i obrazloženje same ove odluke čovjek ovako i ne zna, nisam te struke nisam nikad uzimao sebi za pravo da, da, da analiziram neke stvari ali evo ovdje vidim jako ste dobro naveli te vrste energenata koje građani obično troše kako bi, koje, koje koriste za grijanje.

Dakle imamo pelet koji evo potrošnja je mjesečno 349 i po maraka, dakle mjesečno košta jednog građanina. Interesantno na ugalj 382 i po marke, a toplotna pumpa ovaj zrak ode 127 koma 50 maraka, dakle ja bi ga uporedio sa ugljem to je tri puta manje košta u odnosu na grijanje na ugalj.

Interesantno jeste i ova činjenica ovdje koja je u obrazloženju dakle sufinansiranjem uvođenja sistema toplotnih pumpi u iznosu od 5.000 maraka po objektu u konačnom bi se topliciralo 320 domaćinstava, odnosno objekata što je 4 puta više objekata u odnosu na sistem centralnog grijanja. Jako zanimljivi podaci opet se nadam da će ovo uroditi plodom i evo mi kao Klub vijećnika ćemo podržati dakle ovu samu odluku. To je za sada onako ispred Kluba vijećnika pa evo vjerovatno će se i predsjednik javiti. Et. To je to.

ALEKSANDAR VUJADINOVIĆ

Dobro. U redu. Hvala lijepo. Da li se još neko javlja za riječ? OK. Predsjednik Kluba vijećnika SDA, Mirza Tupajić. Izvolite.

MIRZA TUPAJIĆ – vijećnik Stranke demokratske akcije

Pošto se prvi put javljam danas želim sve i gledaoce i sve vas ovdje prisutne srdačno da poselamim i pozdravim i da nam poželim uspješan današnji radni dan.

Što se tiče Odluke o uslovima i kriterijima i postupku dodjele sredstava za sufinansiranje mje, mjera smanjenja aerozagađenja na području Grada Tuzle znači o samom znači, o samim uslovima i kriterijima Klub vijećnika Stranke demokratske akcije ovdje ne vidi ništa sporno pogotovo pročitao sam am, Amandmane Kluba vijećnika Tuzlanske alternative i naravno mi ćemo to podržati.

Ali hoću istaći naše mišljenje vezano za smanjenje aerozagađenja u Gradu Tuzli toliko smo puta o tome raspravljali i tako dalje i tako dalje. Samo da vas podjestim na činjenicu da širenje mreže toplifikacije ne smatramo samo smanjenje aerozagađenje jer vidjeli smo evo danas kako je ljep dan, koliko je čist zrak a kako je to bilo u decembru u januaru.

To je jedna vrsta investicije, to su znači nisu bačene uza, u, u, uzalud znači bačeni novci jer svako, svaka nova, novo domaćinstvo koje se priključi na sistem mreže daljinskog znači grijanja je budućih 50 do 100 godina platiša našem Javnom preduzeću cent, ovaj Centralno grijanje.

I smatram da bi se evo mi smo imali taj i Amandman na, na Budžetu tražili smo još 400.000 konvertibilnih maraka za širenje mre, mreže toplifikacije na dvamilionasto da se još doda 400.000 i tražili smo 250.000 konvertibilnih maraka za sufinansiranje mjerno regulacionih stanica.

Znači oni socijalni kategorija stanovništva koja nisu uslovna da izdvoje četiri do 5.000 konvertibilnih maraka kako sad na, nam se tvrdi da, da toliko košta priključenje tamo gdje imamo uslove, znači gdje imamo sekundarni vod, imamo tamo domaćinstva koja nemaju, možda niko ne radi, nemaju tih sredstava i da bi se to pomoglo.

Ne znam vidjet ćemo vrijeme će pokazati, ali mislim da smo trebali ići u daljem tom procesu i od početka od kako smo dobivali novac od, od „Termoelektrane“ kao znači evo kao jedan vid prijateljskog tog znači okruženja da smo trebali više ulagati novca u širenje mreže toplifikacije i da bi to, da je to najbolje rješenje za bolji zrak u Tuzli, uz one ostale mjere.

Na primjer evo imamo ovo prijave građanina danas nisam stigao napisat to u urgenciju ali za narednu sjednicu ću napisati i neću da imenujem sada jedno, jednu privatnu firmu na Slatini koja u toku znači grejne sezone loži i najlon i, i, i papir koji, koji je njima kao, kao otpad i da se već građani bune a imaju preko 200 kvadrata znamo da imamo onu odluku, ali nema, građani se obraćaju i, i, i nadležnim Službama a, a nema nekakve kaznene onaj politike prema tim preduzećima, a sekundarni vod rekli smo tamo da moraju biti ispunjeni uslovi znači da se priključi to ja, to, to neko preduzeće, taj neki privredni subjekt ako ima preko 200 kvadrata ali da ima naravno sekundarni vod, a ima prolazilo blizu njeg a oni se još nisu i na tome moramo poraditi.

Mi uvijek samo govorimo „Termoelektrana“, „Termoelektrana“ koja je defaktno činjenica i jeste zagađivač i, i Blok 6 koji treba završiti taj proces ugradnje sistema za o, odsumporavanje i evo ako bog da i taj projekat Blok 7 koji će biti mnogo ekološki prihvatljiviji a zapamtite živi bili pa vidjeli doćemo ubrzo, proće ovo ljeto, ljepo vrijeme, vjetrovi, čist zrak sve. Dođe oktobar poč, početak ćemo se ponovno gušit ista situacija a svake godine sve, sve gore. Zašto? Zato što imamo znači i ružu vjetrova znači strujanje zraka kroz Tuzlu isto je definitivno poremećeno.

To nisam stručnjak baš toliko o, o tome a oni koji jesu, koji su nadležni trebaju da i kad prave prostorne planove mi vjerujemo ono evo i danas smo vidjeli, vjerujemo onom onaj, onaj što

nam se kaže sve to ali imaju ti stručnjaci koji trebaju kazati ovo neće praviti u budućnosti problem.

Zrak dišemo svi i onaj ko nema para i onaj ko jedva skraj skrajem živi i onaj najbogatiji. Ovo je naš grad naša Tuzla i trebamo svi isto, svi, svi da se borimo na neki način za bolji zrak u Tuzli.

Mislim, mi kao Klub vijećnika Stranke demokratske akcije i dalje tvrdimo da, da širenje mreže toplifikacije je najbolja, možda jeste spora ali da smo od početka krenuli, uzmimo analizu koliko je do sad došlo para od iz sredstava od „Termoelektrane“ i naravno i Centralno grijanje kao solventno preduzeće koje, njima je to investicija svaki, svako, svaki novi priključak je njima redovni znači platiša jer imamo jedno od najjeftinijih grijanja u možda u Evropi, u Bosni i Hercegovini sigurno i u tom pravcu smo trebali ići.

Ali evo mi ćemo podržati ovu Odluku o znači o uslovima, kriterijima jer su pare već tamo u Budžetu i tako. Hvala.

ALEKSANDAR VUJADINOVIĆ

Hvala lijepo. Da li se još neko javlja? Elvir Kasumović, predsjednik Kluba vijećnika SBB-a. Izvolite.

ELVIR KASUMOVIĆ

Zahvaljujem predsjedavajući. Pa nas raduje kao Klub što se jedna odluka evo na kraju grejne sezone javlja u ovom, ovoj formi. Nadamo se da će do implementacije već do sljedeće grejne sezone da dođe tako da ćemo već po tom pitanju imati tristo i šezdeset, odnosno sedamdeset je li manje zagađivača koji naš grad i građane zagađuju fosilnim gorivima.

Ono što nas posebno raduje je to što smo mi kao Klub Saveza za bolju budućnost prepoznali jasnu problematiku koja je vidno izražena u mjesecima kada je grejna sezona, kada je veliko aerozagađenje na području našeg grada i što je prepoznat, što su jednostavno prepoznati Amandmani koje je Klub sav, vijećnika Saveza za bolju budućnost već ranije ulagao i koji su na neki način i usvojeni od, od ovog Gradskog vijeća vezano za usmjeravanje sredstava koji se da, dobiju od rada „Termoelektrane“ usmjeravanje u, baš u ove namjene prema tome Klub vijećnika Saveza za bolju budućnost će podržati ovu odluku.

Vidim ovdje u svim članovima da se, da je to sve lijepo jaf, jasno definisano samo želimo da, da se sve ono što je u odluci ispoštuje u, u baš u ovom pisanom smislu, da se ne, da, da ne dođe do određenih malverzacija ili da ne dam, ne znam da kažem zloupotreba od strane bilo koga tako da baš po ovim kriterijima koji su ovdje naznačeni u ovoj odluci želimo da građani dobiju ova sredstva.

Prema tome evo mi podržavamo i pozdravljamo jedan vid ovakve odluke koja je, koja je baš u, u našim programskim načelima rada Gradskog odbora Saveza za bolju budućnost Tuzla. Hvala.

ALEKSANDAR VUJADINOVIĆ

U redu. Hvala lijepo. Amela Čehajić, predsjednik Kluba vijećnika DF-a. Izvolite.

AMELA ČEHAJIĆ - vijećnik Demokratske fronte

Zahvaljujem predsjedavajući. Sve vas srdačno pozdravljam. Takođe i Klub Demokratske fronte će podržati ovu odluku kao i Amandmane od Kluba Tuzlanske alternative a sve u cilju što više, da se što više građana imaju mogućnost da apliciraju na ova sredstva, a naravno sve u cilju smanjenja ovoga aerozagađenja što je takođe u ovoj odluci jako pozitivno, što je u ovome članu 13. gdje je Komisija za provođenje postupka po javnom pozivu osim i koja broji, Komisija ovog člana čini pet članova odgovarajuće struke gdje je dodato da će još osim četiri člana i peti član biti jedan član iz Centra za ekologiju i energiju Tuzla. Zahvaljujem.

ALEKSANDAR VUJADINOVIĆ

U redu. Hvala lijepo. Ukoliko nema oni koji su se javili. Zaključujem raspravu klubova vijećnika.

Otvaram raspravu vijećnika. Prvi se za riječ javio Elvir Bijedić, SDP. Izvolite.

ELVIR BIJEDIĆ

Zahvaljujem predsjedavajući. Pa mislim da prije svega, prije nego što bilo šta da kažem samo bih da napomenem kolegu Kasumovića dakle jeste mislim ja da, da malo ko u ovoj sali ili iz bilo kojeg Kluba ili samostalni vijećnik nije bio senzibilan dakle na ovu problematiku mislim da, da niko manje ili više tako da ni sam Klub SDP-a naravno.

Svi smo mi prepoznali problematiku aerozagađenja i posebno mi je drago dakle da o ovoj problematici pričamo i na današnjem danu ovako toplom, dakle da to nije samo u, u vremenima kad je grejna sezona ili grijna sezona.

Dakle, širenjem mreže Centralnog grijanja kolega Tupajiću jeste išlo sporo, međutim ne bih sad da ulazimo u problematiku zbog čega je to tako. Dakle puno je tu i neriješenih imovinsko-pravnih odnosa pogotovo dakle u nekim visinskim zonama tako da višestruke su koristi, dakle sa svih aspekata kad se sagleda ovakva jedna odluka koju danas, o kojoj danas diskutujemo jedna od prednosti je i ta, dakle što nisu potrebna, nisu potrebni rješavanje imovinsko-pravnih odnosa sa aspekta dakle granjanja mreže vrelvodne je li.

Još jedan od, od bitnih stvari koje treba istaknuti dakle to je ta brzina kojom se može rješavati aerozagađenje obzirom da će u velikoj mjeri zavisiti od interesovanja građana, dakle koliko smo imali priliku da vidimo u materijalu moguće je dakle za nekih 120 dana praktički znači da već u toku ove sezone dobijemo individualne objekte koji se mogu grijati ovakvim način, ovakvim sistemom grijanja.

Obzirom da će u velikoj mjeri zavisiti od interesovanja građana mišljenja sam da bi morali zaista vrlo afirmativno da govorimo o ovakvoj odluci i da koristimo sve moguće raspoložive medije, portale, javni servis, pa evo ne znam ukoliko ste za jedan zaključak dakle da, da se maksimalno iskoristi Javni servis kako bi se što više građana prijavilo na ovakav jedan poziv za koji smatram da, nisam siguran da li i jedan grad u Bosni i Hercegovini pored ovoga što smo do sada radili u smislu rješavanja aerozagađenja čini ovakav još krupan korak.

Još jedan aspekt koji bih htio da istaknem a to je dakle sami uslovi koji su propisani u smislu utopljanja doprinosu u velikoj mjeri, dakle osim smanjenja aerozagađenja i u velikoj mjeri znači štednje energenata tako da kad sa više aspekata sagledamo ovo je više nego fenomenalna odluka i samo evo želim da izrazim nadu da ćemo je danas izglasati i da će se

pokazati interes građana u velikoj mjeri, dakle da to bude i primjenljivo u što skorijem vremenskom periodu. Hvala.

ALEKSANDAR VUJADINOVIĆ

U redu. Hvala lijepo. Sljedeći se za riječ javio Samostalni vijećnik, Edim Kadić. Izvolite.

EDIM KADIĆ

Ja ću, ja ću vrlo kratko jer htje, jer htjeo sam da, da kažem Elvir se prije javio da je veoma važno da mi naše građane informišemo o ovome da, da im približimo koliko dobivaju time što će postaviti toplotne pumpe jer evo i mi i ja sam se iskreno rečeno iako sam svojevremeno u jednoj firmi radio i prodavao, radio na prodaji ovih grejnih tijela nisam znao da je ovoliko uštede ovih toplotnih pumpi i, i pogotovo koliko se dobiva da kažem fasadom, zaštitom koliko se štedi energije. Znači to, to je vrlo, vrlo značajno i ovo je i jedan od zaključaka.

Predlažem da, da li da naša televizija snimi neku kratkotrajni spot 10 minuta da malo građanima afirmiše ovu odluku a ujedno kaže šta je to što je prednost, to je jedna stvar.

Druga stvar koju bi trebalo ovdje naglasiti je da svjedoci smo da je napokon došlo do da kažem, da će doći do realizacije Bloka 7 od kojeg mnogo očekujemo, znači da će konačno u samoj gradnji će biti ugrađeno ono sve što treba da bude i samim tim će biti manje za, zagađenje grada.

Još jedna stvar koju isto ne moramo, moramo da imamo u vidu to je upotreba vozila u Gradu Tuzli da mi kao vijeće ako ne možemo u ovom mandatu barem da iniciramo neke stvari u smislu donošenja i prijedloga donošenje zakona o koja su to auta koja se mogu uvoziti u Bosnu, jer tamo svjedoci smo da u mnogim gradovima propisuju da ako nemaš propisano onu kako to kažu kolko koje auto zagađuje ne možeš ni ući u grad, a svjedoci smo velikih afera gdje su određeni proizvođači automobila prikazivali manje zagađenje nego što jeste, tako da je to jedan ogro, ogroman problem i gdje bi mi možda mogli inicirati da se prema kažem višim organima vlasti jer je to vjerovatno u njihovoj nadležnosti da to imamo u vidu.

I još jednu stvar koja je vrlo bitna da se napokon predvidi neka zaobilaznica kroz naš grad da više ovoliko vozila, evo svjedoci smo da i Zenica će uskori biti riješena, neće se ulaziti u grad i da je to jedan ogroman, a ovo je za svaku pohvalu. Izvinite ako sam malo skreno samo hoću malo da pro, šta bi trebalo još pored ovoga a ovo je stvarno dobra odluka podržavam je i treba tako nastaviti. Hvala lijepo.

ALEKSANDAR VUJADINOVIĆ

U redu. Hvala lijepo. Da li se još neko javlja za riječ? Alen Kapidžić, SDP. Izvolite.

ALEN KAPIDŽIĆ – vijećnik Socijaldemokratske partije

Hvala predsjedavajući. Pa naravno ovo je evo i ja želim da pohvalim ovakvu odluku je li i ona je pored, pored toga što rješavamo pitanje je li aerozagađenja može se ovdje u jednom segmentu govoriti i o uređenju grada jer ova odluka tretira i fasadu i utopljavanje je li.

Međutim ono što, što je činjenica jeste da, da ovo pokazuje da ova Gradska uprava i, i evo i Vijeće kontinuirano radi na ovom problemu.

Mi stalno govorimo kako radimo samo u zimskom periodu je li a neki ipak ovdje od nas i ne glasaju za Budžet i budu suzdržani, budu protiv i kad se ovakva sredstva za ovu svrhu planiraju u Budžetu. Mene interesuje i želio bi da mi neko iz Službe odgovori samo na jedno pitanje.

Čitajući odluku u članu 12. se kaže da je rok za dostavljanje dokaza o izvršenom energijskom pregledu za podnosioc prijava koji navedeni dokaz nisu sastavili dostavili uz prijavu na Javni poziv iznosi u 45 dana od dana posljednje objave rang liste iz člana 14.

Dole u članu 14. da li je potrebno da ovoj tački jedan stavimo neku da kažemo rok za utvrđivanje preliminarne ra, rang liste.

Isto tako u članu 2. kad se govori o konačnoj rang listi znači ona se definiše nakon dostavljanja je li na, nakon što podnosioc zahtjeva za sufinansiranje dostavi dokaz o energijskom pregledu da li i dole trebamo definisati neki datum ili rok u kojem treba da izađe ta konačna rang lista. Eto toliko. Hvala.

ALEKSANDAR VUJADINOVIĆ

U redu. Hvala lijepo. Evo zamolit ću predstavnika Službe da odmah da odgovor ukoliko je u mogućnosti. Alene samo mikrofona. Alene mikrofona.

AMIR RAZIĆ – ispred Službe za komunalne poslove, izgradnju i poslove mjesnih zajednica

Pozdravljam sve prisutne. Što se tiče konkretno ovoga mi kao obrađivač cijenimo da nema potrebe postavljati rok zato što se tu radi o postupanju komisije koja provodi postupak po Javnom pozivu i u svakom slučaju mi kao Služba i ostale Službe koje uzimaju učešće u ovoj komisiji možemo garantovati da će se raditi u što dinamičnijim rokovima, ali evo ako vi cijenite da možda tu treba postaviti neke rokove, jer malo je nezahvalno postavljati ovdje rokove. Zašto?

Mi ne znamo recimo kakav će odziv građana biti po ovom pitanju. Ukoliko bude mali što se mi nadamo da neće biti slučaj onda ti rokovi mogu biti naravno kraći. S druge strane ako bude odziv veliki onda vi mali rok, ili relativno mali rok koji postavite u odluci nećete moći objektivno ispoštovati zato što imate puno veći obim prijava, ali opet kažem mislim da mi kao obrađivač vidjeli ste tamo tu su Služba za prostorno, Centralno grijanje i kolege iz Centra za ekologiju i energiju.

Svakako će to biti jedan od naših prioriteta gdje mi ćemo gledati da što dinamičnije rješavamo sve ono što je potrebno kako bi došli do svih tih rang listi uključujući i preliminarnu tako da opet ponavljam lično zaključak moj i, i, i naše Službe kao obrađivača je da tu konkretno ne moramo postavljati neke precizne rokove jer nije baš sada ni jednostavno to postaviti jer niko od nas ne može pretpostaviti kakav će odziv biti uopšte aplikacija po ovom pitanju.

ALEKSANDAR VUJADINOVIĆ

U redu. Hvala lijepo gospodinu Raziću. Ukoliko nema više prijavljenih za diskusiju. Zaključujem raspravu vijećnika pa pitam podnosioc znači amandmana iz Kluba vijećnika Tuzls, Tuzlanske alternative da li ostaje znači pri podnesenom amandmanu? (NEDŽAD MALIKIĆ – Ostajemo.) Ostaje znači.

Pozivam sekretara Gradskog vijeća da pročita taj podneseni amandman o kojem ćemo se onda (ALEN KAPIDŽIĆ – Mogu li ja?) ovaj izjašnjavati. Izvolite.

ALEN KAPIDŽIĆ

Pa ja bi samo, samo pauzu radi evo usaglašavanja stavova ako može (ALEKSANDAR VUJADINOVIĆ – Dobro može. Ništa.) Pet minuta.

ALEKSANDAR VUJADINOVIĆ

Pet minuta pauze evo nemojte se puno razilaziti. (Pauza.)

Možemo nastaviti sa radom. Obavještavam vijećnike da je pauza iskorištena radi znači izjašnjavanja o i uobličavanja znači ovog amandmana a samo glasanje ćemo odložiti radi usaglašavanja amandmana i odluke so, koju je predlagač amandmana uputio Službi koja je bila obrađivač materijala.

Rečeno nam je da će u roku od tridesetak minuta ta odluka i amandman biti usaglašeni pa ćemo se nakon toga izjasniti, pročitati ćemo ga i onda ćemo se izjasniti o amandmanu (SLAĐANA KRAJINA – I odluci.) i odluci.

Sljedeća u međuvremenu prelazimo znači na sljedeću tačku dnevnog reda a vratit ćemo se na izjašnjavanje i završetak ove prethodne tačke.

Prelazimo na petu tačku dnevnoga reda:

Razmatranje i usvajanje odluke o izmjeni molim vas samo malo.

ODLUKA O IZMJENI I DOPUNI ODLUKE O NAZIVIMA ULICA I TRGOVA U GRADU TUZLI I NASELJIMA NA PODRUČJU GRADA TUZLE

Predlagač je Gradonačelnik Grada Tuzle. Obrađivač: Stručni tim za određivanje naziva ulica i trgova u Gradu Tuzla a materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i klubovi vijećnika.

Ima li potrebe da obrađivač materijala pročita i da odnosno uvodno izlaganje? Ima li potreba da se čitaju izvještaji komisija?

Ukoliko nema otvaram raspravu klubova vijećnika. Niko se ne javlja za riječ. Zatvaram raspravu klubova vijećnika.

Da li neko od vijećnika želi da diskutuje o ovoj tački dnevnog reda? Niko. U redu. Omer Delalić pre, predstavnik SBB-a, vijećnik SBB-a. Izvolite.

OMER DELALIĆ – vijećnik Saveza za bolju budućnost

E hvala. Meni je jako drago da je konačno donesena odluka o izmjeni naziva ove ulice. Mno, nekoliko vijećnika je u prošlom sazivu a i u ovom sazivu ja mislim da je kolega Mirza postavljao pitanje vezano za ovu ulicu.

Građani su imali veliki problem do devedesetih godina prošlog vijeka ulica Panorama u Ši-Selu na Imamovom brdu bila je sastavni dio Vukovarske ulice koja je imala veliki broj odvojaka. Otprilike dvijehiljadite godine na putu za Imamovo brdo dobili so, došla je nova tabla sa imenom Panorama i nove kućne brojeve.

Para, Panorama nikada nije uvedena u registar CIPS-a i svi dokumenti i adrese se građanima vode u ulici Vukovarska. Još veći je problem što su nekim objektima u Vukovarskoj

dodjeljeni brojevi koji su devedesetih godina pripadali objektima na Imamovom brdu. To je predstavljalo veliki problem građanima.

Drago mi je da se konačno rješava problem, ali smatram da je sve to trebalo da bude puno ranije i da se ranije uradi kako bi građani, kako bi se građanima u mnogome olakšao život ove ulice.

Sad u ovom članu 35a malo mi je nejasno ovo. Dio dosadašnje Vukovarske ulice koji vodi od raskrsnice sa ulicom Nesiba Malkića pa do raskrsnice sa ulicom Vršani uključujući i pripadajuće sokake, a prema Imamovom brdu nosi naziv ulica Panorama.

Ovdje spominje, strah me je da se ponovo ne desi neka nelogičnost jer ulica Vršani je skroz na kraju ulice Nesiba Malkića i nema nikakve veze sa ulicom Panorama, znači ulica Panorama se odvaja na samom početku ulice, jednim odvojkom na početku ulice Nesiba Malkića i volio bih da se ovo tačno precizira. Hvala.

ALEKSANDAR VUJADINOVIĆ

Dobro. Hvala lijepo. Da li se još neko javlja za riječ? Ukoliko se ne javlja. Zaključujem raspravu vijećnika.

I stavljam na izjašnjavanje Odluku o izmjeni i dopuni odluke o nazivima ulica i trgova u Gradu Tuzli i naseljima na području Grada Tuzle i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. U redu. Glasanje je okončano.

Konstatujem da je ODLUKA O IZMJENI I DOPUNI ODLUKE O NAZIVIMA ULICA I TRGOVA U GRADU TUZLI I NASELJIMA NA PODRUČJU GRADA TUZLE jednoglasno usvojena, 27 vijećnika je glasalo za, nije bilo glasova protiv i nije bilo suzdržanih glasova.

Prelazimo na šestu tačku dnevnoga reda:

IMOVINSKO-PRAVNA AKTA :

Pod a) Odluka o dopuni dopunama Odluke u davanju o davanju u zakup poslovnih zgrada, poslovnih prostorija i garaža

Pod b) Odluka o raspisivanju Javnog oglasa o davanju u zakup poslovnih prostorija (sa tekstom Javnog oglasa)

Pod c) Rješenje o utvrđivanju prava vlasništva na gradskom građevinskom zemljištu, broj: 01/07-31-5433/10 (u korist Tomićić Zorane, lokacija Katastarska opština Tuzla II)

Pod d) Rješenje o utvrđivanju prava vlasništva na gradskom građevinskom zemljištu, broj: 01/07-31-8347/18 (u korist Javno preduzeće „Direkcija za izgradnju“ doo za inženjering i usluge Tuzla i Simićić Mirsada iz Tuzle, lokacija Katastarska opština Tuzla II).

Predlagач je Gradonačelnik Grada Tuzle. Obrađivač: Služba za geodetske i imovinsko-pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo i klubovi vijećnika

Ima li potrebe da predlagач ili obrađivač materijala daju uvodno izlaganje, odnosno da se pročitaju izvještaji komisija? (MIRNES AJANOVIĆ – Mogu li riječ? Ja bih za ovo zadnje.) Izvolite.

MIRNES AJANOVIĆ

Za utvrđivanje davanja zemljišta u korist JP „Direkcija za izgradnju“ ipak nekakvo obrazloženje garancije, sigurnosti i svega onoga što nas može iz toga čekati.

ALEKSANDAR VUJADINOVIĆ

Dobro. U redu. Evo zamolit ćemo onda znači predstavnika Službe znači gospođu Šimlešu Jasminku da nam da objašnjenje po ovoj sugestiji vijećnika Ajanovića. Izvolite.

JASMINA HASANEFENDIĆ-ŠIMLEŠA – pomoćnik Gradonačelnika za Službu za geodetske i imovinsko-pravne poslove

Dobar dan. Pozdravljam sve prisutne vijećnike. Naime radi se o rješenju zasnovanom na članu 61. Zakona o građevinskom zemljištu. Na osnovu naknadno izdate urbanističke saglasnosti u postupku legalizacije objekta SPO 15. Maj suvlasnici zemljištva Javno preduzeće „Direkcija za izgradnju“ doo za inženjering i usluge i Simičić Mirsad iz Tuzle obratili su se Službi za geodetsko-imovinsko pravne poslove zahtjevom za utvrđivanje prava vlasništva na nekretnini koja je u vlasništvu grada.

Naime, radi se o tome da je objekat već 15. Maj, zgrada 15. Maj već nekoliko puta bespravno nadograđivan s tim u vezi oni su u postupku gradnje svoga objekta, a bez odobrenja za građenje i sa dijelom podzemne garaže izašli na zemljište koje je u vlasništvu Grada.

Da bi uopšte krenuli u postupak legalizacije, odnosno da bi do kraja priveli postupak legalizacije a kasnije dobili i građevinsku dozvolu za objekat isti su morali podnijeti zahtjev za utvrđivanje prava vlasništva i u skladu sa Zakonom o stvarnim pravima kao i Zakonom o građevinskom zemljištu Federacije Bosne i Hercegovine platiti naknadu za utvrđeno pravo vlasništva na ovoj parceli.

Dakle radi se na parceli ispod koje se nalaze i na koji, na kojoj se nalazi dograđeni objekti zgrade SPO 15. Maj i u postupku legalizacije evo bili su upućeni da riješe i imovinsko-pravne odnose.

Ovim rješenjem utvrđeno je u korist direkcije i Simičić Mirsada pravo suvlasništva na gradskom-građevinskom zemljištu u vlasništvu Grada u onim idealnim dijelovima u kojima su oni suvlasnici i na preostaloj nekretnini na kojoj stoji predmetna zgrada SPO 15. Maj tako da oni sutra neće imati problem, naravno uz ispunjavanje ovih uslova iz rješenja da izdejtstvuju i građevinsku dozvolu za objekat.

ALEKSANDAR VUJADINOVIĆ

Dobro. U redu. Hvala. Evo izvolite vijećnik Ajanović.

MIRNES AJANOVIĆ

Samo da pojasnimo dakle ovo je bitno neophodno kako bi riješili problem 15. Maja je li tako? Da li tako možemo smatrati ovaj akt i na način da eventualno postoje zaštite u slučaju da se ovo ne realizira ili nešto slično.

Ako gledamo pravno je definisano samo još malo pojašte, pojašnjenje vijećnicima pitat će neko šta ste vi to sad dali, pitat će nas ovi predstavnici 15. Maja, jutros su bili na Kolegiju, malo još tog pojašnjenja šta ovo znači prezentiranog ne samo pravnim nego dodatnim obrazloženjem.

JASMINA HASANEFENDIĆ-ŠIMLEŠA

Ja sam evo i pokušala tako nekako da objasnim oprostićete mi nisam bila strogo pravno objasnila ovaj akt ali evo tako sam i shvatila. Dakle radi se o tome da prilikom izdavanja, odnosno rješavanja bespravno sagrađenog dijela objekta u postupku nakon izdavanja naknadne urbanističke saglasnosti koja je u ovom slučaju izdata u 2017. godine kao jedan od uslova za izdavanje građevinske dozvole jeste rješavanje imovinsko-pravnih odnosno na onome dijelu zemljišta na kojem je investitor, odnosno suvlasnik zemljišta izgradio objekat bez prava građenja.

Dakle nelegalno bez dozvole je izašao sa svojim objektom iz gabarita koji su dati u čini mi se prvobitnoj građevinskoj dozvoli, izašao u ovom slučaju podzemnim dijelom garaža i rampom na zemljište koje je u vlasništvu Grada.

Dakle da bi uopšte mogli ići u ostale faze rješavanja uslova za izdavanje odobrenja za građenje oni su evo morali i riješiti imovinsko-pravni dio i u tom slučaju su i direkcija zajedno sa gospodinom Simičić Mirsadom a koji su suvlasnici zemljišta podnijeli zahtjev Službi za rješavanje imovinsko-pravni što ni jedan, što im je jedan od uslova za sutra dobijanje građevinske dozvole.

MIRNES AJANOVIĆ

Ja bih samo još jedno pitanje. (ALEKSANDAR VUJADINOVIĆ - Izvolite.) Samo još jedno pitanje ako možete, ako znate kad ovo danas donesemo šta je to u najkraćem još šta se treba uraditi da bi se moglo riješiti ovo što ste naveli? (ALEKSANDAR VUJADINOVIĆ – Ja da li možete recite mogu ili ne mogu et.)

JASMINA HASANEFENDIĆ-ŠIMLEŠA

Ja ne. (ALEKSANDAR VUJADINOVIĆ - Niste u mogućnosti.) Ja mogu samo pričat o ovome aktu koji je u nadležnosti moje Službe a ostalo evo ja ne bih da ulazim u druge nadležnosti, dakle ovim rješenjem su propisani uslovi kad oni mogu postati vlasnici a dalje, da. (ALEKSANDAR VUJADINOVIĆ – U redu.) Hvala.

ALEKSANDAR VUJADINOVIĆ

Hvala gospođi Šimleši. U redu. Otvaram raspravu klubova vijećnika. Niko se ne javlja za riječ. Zatvaram raspravu klubova vijećnika. Dobro mi smo već čuli neka, neke sugestije i pojašnjenja znači vezano za ovu tačku dnevnoga reda, odnosno za podtačku d) u sklopu tačke 6.

Otvaram raspravu vijećnika. Niko se ne javlja za riječ. Znači zaključujem raspravu vijećnika pa

Stavljam na izjašnjavanje IMOVINSKO-PRAVNA AKTA koja smo upravo znači čuli i pročitali i evo još jednom znači odluka pod:

a) Odluka o dopunama Odluke o davanju u zakup poslovnih zgrada, poslovnih prostorija i garaža, pod

b) Odluka o raspisivanju Javnog oglasa o davanju u zakup poslovnih prostorija (sa tekstom Javnog oglasa), pod

c) Rješenje o utvrđivanju prava vlasništva na gradskom građevinskom zemljištu, broj: 01/07-31-5433/10 (u korist Tomićić Zorane, lokacija Katastarska opština Tuzla II), pod

d) Rješenje o utvrđivanju prava vlasništva na gradskom građevinskom zemljištu, broj: 01/07-31-8347/18 (u korist Javno preduzeće „Direkcija za izgradnju“ doo za inženjering i usluge Tuzla i Simičić Mirsada iz Tuzle, lokacija Katastarska opština Tuzla II) i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne o ovim imovinsko pravnim aktima glasanjem za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su pročitana IMOVINSKO-PRAVNA AKTA:

A) ODLUKA O DOPUNAMA ODLUKE O DAVANJU U ZAKUP POSLOVNIH ZGRADA, POSLOVNIH PROSTORIJA I GARAŽA

B) ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA (SA TEKSTOM JAVNOG OGLASA)

C) RJEŠENJE O UTVRĐIVANJU PRAVA VLASNIŠTVA NA GRADSKOM GRAĐEVINSKOM ZEMLJIŠTU, BROJ: 01/07-31-5433/10 (U KORIST TOMIČIĆ ZORANE, LOKACIJA KO TUZLA II)

D) RJEŠENJE O UTVRĐIVANJU PRAVA VLASNIŠTVA NA GRADSKOM GRAĐEVINSKOM ZEMLJIŠTU, BROJ: 01/07-31-8347/18 (U KORIST JP „DIREKCIJA ZA IZGRADNJU“ DOO ZA INŽINJERING I USLUGE TUZLA I SIMIČIĆ MIRSADA IZ TUZLE, LOKACIJA KO TUZLA II) jednoglasno usvojena, 28 vijećnika je glasalo za, nije bilo glasova protiv, niti je bilo suzdržanih glasova.

Prelazimo na sedmu tačku dnevnoga reda:

IZVJEŠTAJ O RADU JAVNIH USTANOVA ČIJI JE OSNIVAČ GRAD TUZLA ZA 2018. GODINU

a) JU Narodno pozorište Tuzla

Predlagač je Upravni odbor Ustanove. Obrađivač: direktor Ustanove a materijal su razmatrali: Komisija za ekonomske odnose, Komisija za poduzetništvo, Komisija za mlade obrazovanje i sport i klubovi vijećnika.

Ima li potrebe da predlagač, obrađivač materijala daju uvodno izlaganje odnosno da se pročitaju izvještaji komisija? Nema.

Otvaram raspravu klubova vijećnika. OK. Nezavisni vijesnik Nedžad Jusić. Izvolite.

NEDŽAD JUSIĆ – nezavisni vijećnik iz reda nacionalnih manjina

Hvala. Ne bi, prije svega sve da vas pozdravim. Ne bi govorio o izvještaju nego osjetio sam potrebu kao vijećnik ispred reda nacionalnih manjina da se javno zahvalim direktoru Javne ustanove „Narodno pozorište“ Tuzla gospodinu Mirzi Čati, Čatibušiću jer je stvarno pomogao da se na jedan kvalitetan način obilježi svjetski Dan roma u Tuzli jer smo skoro čitav dan imali određene manifestacije u „Narodnom pozorištu“ Tuzla i zbog toga još jednom želim da izrazim zahvalnost direktoru. Hvala.

ALEKSANDAR VUJADINOVIĆ

Zahvaljujem samostalnom vijećniku Nedžadu Jusiću. Sljedeći se za riječ javila Merima Softić, SDP. Izvolite.

MERIMA SOFTIĆ SPREČIĆ – vijećnik Socijaldemokratske partije

Dobar dan. Pozdravljam ponovo sve prisutne. Evo ovako ispred Kluba SDP-a želimo zaista da uputimo čestitke kompletnoj upravi, glumcima koji su izvodili predstave, svim onima koji su vezani za predstavljanje pozorišta u javnosti našoj publici ali evo i široj javnosti.

Zaista možemo da vidimo iz Izvještaja o radu i poslovanju koliko je to aktivnosti, koliko je to predstava na našoj sceni, na stranoj sceni koju je izvelo ovo „Narodno pozorište“ a susrećući se sa brojnim problemima i sami.

Naveli su oni da su jedni od problema i nedostatak određenog kadra koji im je potreban da bi izveli jednu predstavu kao na primjer evo umjetnički direktor, sekretar, vlasuljaš, šminker, sufler ali evo i bez toga oni su nam zaista pokazali kako se može uspješno realizirati jedna sezona.

Čestitam im na svim nagradama koje su dobili u prethodnoj godini. Zaista bilo je evo mnogo aktivnosti oni su to tabelarno jako puno prikazali što se tiče dječijih predstava, predstava za odrasle, predstava na našoj sceni, na narodnoj s kim sve to oni ostvaruju svoju saradnju žele da je prošire da ona bude još uspješnija sa svim nekim drugim evo licima sa kojima bi pozorište na neki način moglo ostvariti još bolju svoju promociju.

Mi ćemo, mi smo takođe saglasni sa dva zaključka koje je donijelo kolegij i komisija će vjerovatno sekretar vijeća da, da pročita, ali evo ispred nas znači želimo da čestitamo direktoru na realizaciji svih ovih aktivnosti i pored evo poteškoća kojih imaju u svom radu.

Nara, nadamo se da će u nekom narednom periodu uspjeti izaći na neki način i na razumijevanje od strane Vlade kantona u onom smislu gdje trebaju recimo, a radi se o zaposlenju svih onih mjesta koja su im potrebna kako bi jedna predstava mogla još uspješnije da funkcioniše. Toliko od nas.

ALEKSANDAR VUJADINOVIĆ

U redu. Hvala lijepo. Da li se još neko ja, javlja za riječ ispred vijećnika? U redu samostalni vijećnik Edim Kadić. Izvolite.

EDIM KADIĆ

Ja ću vrlo kratko. Imam jedno pitanje. Na strani 15 ugovorne usluge ostvareno 102.000 ako ukratko, šta je tu? Koji su to troškovi? I sugestija jedna ako mognemo u idućoj godini ili u ovoj godini u stvari da ovaj prihod od 8% koji ostvarujemo iz sopstvenih znači vlastitih prihoda ako možemo barem povećati na 10%, a da je to moguće mislim da jeste i malo, malo više tu da i rade. Toliko.

ALEKSANDAR VUJADINOVIĆ

U redu. Hvala lijepo. Evo ja ću pozvati znači direktora Javne ustanove Pozorište

gospodina Mirzu Ćatibušića ukoliko može dati odgovor na ovo pitanje o čemu se radi ta je li tačka 14 ili 15 rekoste pardon. Na strani 15 je li? Eh izvolite.

MIRZA ĆATIBUŠIĆ – direktor JU „NARODNO POZORIŠTE“ TUZLA

Dobar dan svima. Ja vas pozdravljam u ime Javne ustanove „Narodno pozorište“ Tuzla. Što se tiče ugovorenih i drugih posebnih usluga to je stavka 12 je li tako?

Dakle to je široko definisana stavka i ono se odnosi na sve ugovorene poslove koji su vezani za funkcionisanje i obavljanje naše djelatnosti, dakle u, u te troškove ulaze i troškovi obezbjeđenja zgrade ali i troškovi angažmana redatelja, scenografa, dramaturga, dodatnih glumaca koji su nam potrebni i tako dalje, tako da ukoliko se slažete mi možemo i pismeno dodatno da obrazložimo ovu (ALEKSANDAR VUJADINOVIĆ – Ma nema potrebe samo samo vas molim.) stavku ali ona u, u biti njena ovako široka definicija i, i predstavlja možda čak i problem zato što nekada ranije unutar Budžeta pozorišta postojala je stavka koja se isključivo odnosila na produkciju predstava.

Dakle na podmirivanje svih onih troškova koji su potrebni da bi se jedna pozorišna predstava realizovala ili bilo koji drugi sadržaj koji potpada kod kroz proizvodnju sadržaja „Narodnog pozorišta“ Tuzla.

Nama je u, u, u ovoj konstalaciji stvari sve stavljeno u tu ugovorenu obavezu i ona izgleda ovako impozantno a u biti narodski rečeno udrobljeno je sve i svašta u nju tako da otprilike to je, to je nekako objašnjenje i izvinjavam se je li bilo još nešto? (ALEKSANDAR VUJADINOVIĆ - Ništa eto to je to ja mislim vijećnik Kadić to je ono što je bilo pitanje znači da se.) OK (ALEKSANDAR VUJADINOVIĆ – Da obrazloženje.) dok sam tu.

ALEKSANDAR VUJADINOVIĆ

U redu. Dobro. Hvala lijepo. Ništa zahvaljujem gospodinu Ćatibušiću. Evo dok ne vidimo znači ali ništa sada možemo pri, pristupiti izjašnjavanju i znači stavljam na izjašnjavanje Izvještaj o radu Javne ustanove „Narodno pozorište“ Tuzla za 2018. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je IZVJEŠTAJ O RADU JAVNE USTANOVE „NARODNO POZORIŠTE“ TUZLA ZA 2018. GODINU jednoglasno usvojen, 27 vijećnika je glasalo za, nije bilo glasova protiv, niti je bilo suzdržanih glasova.

Pozivam sekretara Gradskog vijeća, da pročita zaključak proistekao iz rasprave.

SLADANA KRAJINA

- Gradsko vijeće Tuzla sugeriše Vladi Tuzlanskog kantona, kao suosnivaču Javne ustanove „Narodno pozorište“ Tuzla, da, imajući u vidu poteškoće sa kojima se susreće ova Ustanova u svom radu zbog nedostatka potrebnih stručnih kadrova, da saglasnost za popunjavanje upražnjenih radnih mjesta i zapošljavanje kadrova neophodnih za rad ove Javne ustanove.

ALEKSANDAR VUJADINOVIĆ

U redu. Sada stavljam na izjašnjavanje zaključak koji je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je zaključak, koji je pročitala sekretar Gradskog vijeća, jednoglasno usvojen, 24 vijećnika je glasalo za, nije bilo glasova protiv, niti je bilo suzdržanih glasova.

1. Gradsko vijeće Tuzla sugeriše Vladi Tuzlanskog kantona, kao suosnivaču JU Narodno pozorište Tuzla, da, imajući u vidu poteškoće sa kojima se susreće ova Ustanova u svom radu zbog nedostatka potrebnih stručnih kadrova, da saglasnost za popunjavanje upražnjenih radnih mjesta i zapošljavanje kadrova neophodnih za rad ove Javne ustanove.

Prelazimo na osmu tačku dnevnoga reda:

INFORMACIJA O PROVOĐENJU PREVENTIVNIH MJERA ZAŠTITE I SPAŠAVANJA SA PLANOM AKTIVNOSTI NA PROVOĐENJU MJERA U VISOKORIZIČNIM PODRUČJIMA OD POPLAVA I KLIZIŠTA

Predlagач je Gradonačelnik Grada Tuzle. Obradivač: Služba civilne zaštite, materijal su razmatrali: Komisija za prostorno uređenje i zaštitu okoliša kao i klubovi vijećnika.

Ima li potrebe da se pročitaju izvještaji predlagачa, odnosno izvještaji komisija, da se da uvodno izlaganje.

Ukoliko nema. Otvaramo raspravu klubova vijećnika. OK. Rejhana Dervišević, Klub SDP-a. Izvolite.

REJHANA DERVIŠEVIĆ

Zahvaljujem predsjedavajući. (ALEKSANDAR VUJADINOVIĆ – Evo s. Izvolite Rejhana.) A izvinjavam se (ALEKSANDAR VUJADINOVIĆ – Ništa, ništa.) nisam uključila mikrofona. Zahvaljujem.

Dakle kontinuirana edukacija o prirodnim hazardima je i te kako preventivna mjera istaknutog značaja i sa edukacijom se započinje još od vrtića preko ostalih obrazovnih institucija i svakako provodi u okvirima jedinica lokalne samouprave, odnosno mjesnim zajednicama.

Ja bih iskoristila ponovno ovu priliku da, da na neki način podsjetim ili ponovim da preventivne mjere svakako uključuju kontinuirano pošumljavanje, odnosno sadnju visokog ili niskog rastinja, zatim redovito održavanje, odnosno čišćenje korita vodotoka, provođenje općih mjera preduzimajući građevinske i ne građevinske mjere, aktivan i efikasan inspeksijski nadzor iz oblasti građenja i komunalnog reda a koji se posebno odnosi na bespravnu gradnju divlje deponije i slično što ovdje svakako mislim i na povećanje učestalosti inspeksijskog nadzora implementacije regulacionih planova.

S tim u vezi naravno i još više edukativnih promo klipova u programskom prostoru radija i Televizije 7 i dozvolit će te samo još jednu rečenicu a to je ulažimo u prevenciju jer na žalost toliko puta smo se uvjerali da nadoknade šteta nemjerljivo prevazilaze ove iznose. Hvala vam.

ALEKSANDAR VUJADINOVIĆ

U redu. Hvala lijepo. Da li se još neko javlja za riječ ispred klubova vijećnika? Ukoliko ne javlja. Zaključujem raspravu klubova vijećnika.

Otvaram raspravu vijećnika. Izvolite. Niko se ne javlja za riječ. Zaključujem raspravu vijećnika i sada

Konstatujem da je Gradsko vijeće Tuzla primilo k znanju INFORMACIJU O PROVOĐENJU PREVENTIVNIH MJERA ZAŠTITE I SPAŠAVANJA SA PLANOM AKTIVNOSTI NA PROVOĐENJU MJERA U VISOKORIZIČNIM PODRUČJIMA OD POPLAVA I KLIZIŠTA.

Prelazimo na devetu tačku dnevnoga reda:

INFOMACIJA O GRADSKOM I PRIGRADSKOM SAOBRAĆAJU NA PODRUČJU GRADA TUZLA

Obrađivač: Gradski i prigradski saobraćaj dd Tuzla, materijal su razmatrali: Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica i klubovi vijećnika.

Ima li potrebe da se da uvodno izlaganje po ovoj tački dnevnog reda, odnosno da se pročitaju izvještaji komisija? Ukoliko nema.

Otvaram raspravu klubova vijećnika. Mirnes Ajanović predsjednik Kluba BOSS-a. Izvolite.

MIRNES AJANOVIĆ

Hvala. Ova informacija je takva kakva jeste. Ovo je privatno preduzeće mi ne možemo uticati, oni kažu da je stanje dobro, da su uradili dosta dobrog, građani se za sada ne žale i ne bih ja o tome, dakle prihvatamo Informaciju ali ovo što oni traže od nas da mi ponovo razmatramo zaustavljanje saobraćaja na autobuskim stanicama „Istok“-„Zapad“ da, na sve kantonalne linije da bi se spriječile gužve u gradu mi smo to više puta raspravljali.

To bi bila jedna vrsta getoa za građane. Svi koji bi dolazili u Tuzlu i odlazili iz Tuzle bili bi u nekakvom sabirnom centru gdje su ogromne temperature ljeti, preniske temperature zimi, ne bi se moglo uvezati toliko autobusa da funkcioniše da se tu nešto uklapa i Grad Tuzla je donio odluku da to za sada ne dolazi u obzir dok se ne napravi nekakva rekonstrukcija kompletne saobraćajne mreže na području Grada Tuzla a gdje mora učestvovati dakle i ova firma i Gradska uprava i o ovom još uvijek ne možemo raspravljati evo da se bar kaže da ne bi ostalo da smo šutnjom, prihvatanjem Izvještaja prihvatili i ovo Gradsko vijeće Tuzla za sada ne prihvata realizaciju ovakvog prevoza unutar Tuzle po kako je to naznačeno u tački 4 ovog, ove Informacije pa bih da bude nešto kao kratko ili zaključak da se samo ne desi da smo mi dali nekakav za, saglasnost za ovo.

Dakle prihvatamo informaciju osim u tački 4 gdje smatramo da još uvijek nisu stečeni uslovi za realizaciju ovog druge alineje.

Ovo za taksi ugrožavanje i mi smo protiv. Tražimo dakle da inspektorski, inspekcijske službe povedu računa o nelegalnom taksi prevozu na području Grada Tuzle i to neka bude jedan zaključak Gradskog vijeća Tuzla.

Ovo zaustavljanje taksista na stanicama autobuskim, nisu to autobuske stanice nego za, to su stanice za zaustavljanje i ili primanje putnika, javnog prevoza putnika, taxi javni prevoz putnika tako da ne možemo dakle ni to podržati, ali ovo što oni kažu opravdano jeste ovaj dio oko prolaska drugih taksista sa drugog područja, to zaista ometa rad i naših taksista i ove firme, dakle Gradskog i prigradskog saobraćajnog preduzeća, te tu po, tražimo putem nadležnih Kantonalnih inspekcija veću kontrolu ali ne maltretiranje Tuzlanskih taksista nego veću kontrolu taksista koji eventualno protupropisno ili ne eventualno protupropisno obavljaju djelatnosti javnog prevoza putnika na području Grada Tuzla.

Dakle i ovaj zaključak da još uvijek Grad ne može prihvatiti ovaj način realizacije Kantonalnih linija putem autobuskih stanica „Istok“ i „Zapad“ kako je navedeno ovdje. Eto to u najkraćem je po meni sporno pa da Vijeće da se odredi po ovom pitanju. Hvala.

ALEKSANDAR VUJADINOVIĆ

U redu. Hvala lijepo. Sljedeći se za riječ javio Elvir Bijedić ispred Kluba vijećnika SDP. Izvolite.

ELVIR BIJEDIĆ

Zahvaljujem predsjedavajući. Ja ću vrlo kratko obzirom da uvaženi kolega Ajanović je već dosta toga rekao, ali bih ja samo u ovoj Informaciji stoji da rezultati koji su oni provodili a u udruženju između ostalog kao i u sa Udruženjem potrošača klub potrošača Tuzlanskog kantona dobili su rezultate da je kvalitet usluga koji vrši Gradski saobraćajni prevoz na području Grada Tuzla na vrlo dobrom nivou.

Međutim nije potkrijepljeno, dakle mi ovdje zaista ne vidimo pa ukoliko se slažete jedan zaključak da nam dostave anketu, dakle na kojim pravcima su anketirali putnike, na kojim autobuskim stajalištima i da li su zaista svi ti građani, putnici zadovoljni uslugama koje vrši Gradski i prigradski saobraćaj Tuzla. Zahvaljujem.

ALEKSANDAR VUJADINOVIĆ

Hvala. Mirza Tupajić, predsjednik Kluba SDA. Izvolite.

MIRZA TUPAJIĆ

Pa ne bih se ja baš toliko složio, jeste ovo privatno preduzeće, međutim koristi linije koje mi mu odo, odobrimo i ovo preduzeće je često dokazalo i pokazalo da nije korektno prema građanima i Grada Tuzle.

Kad god bude ovaj Izvještaj uvijek ću spomenuti 24 radnika koji su znači građani Grada Tuzle, žive ovdje preko noći ostali bez posla 2016. godine odmah nakon lokalnih izbora. Znači baš ono ljepo ono sačekao da se ne bi dizala neka fama i 24 znači kuće su ostale bez redovnih primanja.

Mnoge porodice su posle toga razrušene, ljudi su čak i, i, i, i zdravstveno stradali i tako dalje i tako dalje, a na njihovo mjesto zaposleni su neki drugi. To su ljudi kojima je trebalo 4 do 5 godina nekima, nekima 3 godine još radnog staža do, do penzije što je jako ružno i nažalost mi kao Grad, znači Gradska izvršna vlast, a evo zakonodavna vlast mi iz poz, Opozicije smo ovo istak, isticali ni, nije nekog bilo većeg negodovanja.

Da su građani zadovoljni uslugama ja se ne bih složio da su zadovoljni. Malo evo proguglajte ovdje imamo svi WI-FI 01. oktobar 2018. godine povećanje cijena usluga pa negdje do 40% građani su mnogo, mnogo negodovali. To njihovo negodovanje nije urodilo plodom.

Zašto? Zato što ovo javno pred, ovo privatno preduzeće se ponaša tako kako se ponaša bez pitanja znači oni, oni barem moraju pa ne znam sad kako je ovo regulisan koji kad dobiju ovu koncesiju o korištenju znači ovih linija trebali bi konsultovati Gradsko vijeće i Grad Tuzlu oko povećanja cijena usluga, a da ne govorim o tome one, one linije koje su oni smatraju da su nisu rentabilne ukinuli su i tako dalje i tako dalje.

Ovo preduzeće, ja se nadam da u budućnosti naše Javno preduzeće Saobraćaj i, i, i komunikacije je li tako Malikuću će imati mogućnost i, i bit solventno da, da pokrije ove, ove linije i da nas neko neće ovako vršiti jednu vrstu ovakvog monopola na primjer da karta do Obodnice isto košta ko karta do, do Srebrenika.

Tamo gdje mu je, gdje ima konkurenciju on, on ide znači tom logikom jer ima konkurenciju bit će cijena da bi se iz, izborio znači za, za, za kupca karata, a tamo gdje nema baš neku konkurencije diže, diže cijenu. Toliko o tome.

ALEKSANDAR VUJADINOVIĆ

U redu. Replika. Mirnes Ajanović. Izvolite.

MIRNES AJANOVIĆ

Ne može se kilav sa rogatim tuči, to je tako. Mi smo sad kao Grad kilavi u odnosu na ovu firmu. Prodali smo preduzeće Gradsko, Javno preduzeće privatniku, prodao ga bivši gradonačelnik, pardon načelnik i šta sad?

Mi ako počnemo svađati se s njima mogu jednostavno reći sada nećemo ovako nikako. Ovo je niz dlaku valja bukvalno u ovoj situaciji ovu firmu gladit dok ne budemo oporavili se i omogućili da naša firma obezbjedi mogućnost da li će moći i hoće li i kako je obavljanja i ove djelatnosti pa da možemo onda imati i konkurenciju ovoj firmi, do tad sva naša priča se svodi na ovaj početak koji sam rekao. Hvala.

ALEKSANDAR VUJADINOVIĆ

U redu. Hvala lijepo. Replika. Mirza Tupajić. Izvolite

MIRZA TUPAJIĆ

Evo opet se ne slažem sa svojim uvažanim kolegom Mirnesom. Mi, mi smo dužni da se čuje naš glas, znači prvo nis, nisu bili dovoljno glasni kada je čov, kada je ovo preduzeće otpustilo 27 radnika, od tih 27 radnika 24 žive na prostoru Grada Tuzle. Mi smo ovdje da, da štitimo prava i, i glas smo građana Grada Tuzle.

Ostali su bez posla i dovedeni su neki drugi znači na njihovo mjesto bez ikakvog nekog posebnog pitanja. Trebate se samo raspitati kako žive danas ti, ti ljudi. Jed, jedan je čovjek od posljedica i stresa i tako dalje preminuo. Uništene su porodice. Znači nismo se čuli.

Isto tako puštamo znači jednostavno evo povećá cijenu niko ništa, malo građani po Portalima negoduju. Jednostavno moraju više sarađivat sa, sa nama, ipak smo im dali cijenu. Jest

ne može nas ucjenjivat i nisu jedino preduzeće koje može uzet ko, kako se zove koncesiju, ima još preduzeća jer i u Sarajevu je bilo isto ovakvih i sličnih problema. Ne možeš nas ucjenjivat.

ALEKSANDAR VUJADINOVIĆ

U redu. Hvala lijepo. Ispravka krivog navoda. Mirnes Ajanović

MIRNES AJANOVIĆ

Nije ova firma otpustila ta 24 radnika, odnosno nije ona odgovorna za to, odgovorno je lice koje je tada privatizovalo, dalo privatizovati Grad Tuzla, mi smo krivi, suprotstavljao sam se, govorio, pričao, nemojte privatizovati, ne privatizacija je budućnost države svega i svačega, što god postoji treba privatizovat i evo šta smo dobili.

Ostavili smo milost, nemilost jednog privatnika ili drugo ili trećeg, sasvim nebitno da radi šta hoće sa ljudskih sudbina. I danas pričati o tome kako su oni takvi kakvi jesu zato što su takvi kakvi jesu i dalo im se da budu et džaba, ja se volim svima i želim i hoću suprotstaviti. Opet se vraćam na to.

Sad ne možemo, sad nam je trpiti a i u ovim je poruka, trpit ćemo do jedne granice a evo nadamo se da će što prije jedan od zaključaka jeste revitalizacija svih zaključaka vezanih za rješenje Gradskog i prigradskog saobraćaja u Gradu Tuzla u prethodnom periodu i po odlukama Gradskog vijeća Tuzla pa da nekad dobijemo i neku informaciju o tome dokle se došlo. (ALEKSANDAR VUJADINOVIĆ – Dobro.) Eto to je. OK. Hvala.

ALEKSANDAR VUJADINOVIĆ

Hvala lijepo. Ivica Kovačević, HDZ BiH. Izvolite.

IVICA KOVAČEVIĆ - vijećnik Hrvatske demokratske zajednice

Cijenjeni predsjedavajući lijep pozdrav i pozdrav svima još. Pa na ovu temu sam ja već mnogo puta govorio pa mi nekad onako možda nema ni smisla pričati i stalno nekako i ponavljati neke jedne te iste stvari.

Mislim da je ovo jedan od problema s kojim se, mislim objektivnih problema s kojim se naš grad suočava a s kojim se evo i mi kao Gradsko vijeće i grad generalno gradska uprava nismo nikad na dovoljno kvalitetan način suočili.

Dakle evidentno mi imamo problem sa javnim prijevozom na prostoru Grada Tuzle. Taj pro, problem je nekako krenuo sam ću vam slagat da li je to bila čini mi se 2015. godina kad je bilo ono prvo neko povećanje cijena, kad je, a problem je bio prisutan još i od ranije, međutim ja sam to uvijek isticao kao grad nikad nismo dovoljno kvalitetno reagirali.

Dakle i prije toga u mnogo navrata bilo je ovo što je kolega Tupajić spomenuo skraćivanja linija, ukidanja linija, neke samovolje koja se događala od strane ovog poduzeća, međutim na sve to nekako grad i Gradska uprava je uglavnom pr, prešutno prelazila preko svega toga. To je nešto o čemu smo mi evo ovdje u više navrata i diskutirali još i u prošlom sazivu vijeća i tako dalje i tako dalje.

Ona jedan evo, neka, neka, neka sitnica koju ću samo da ne duljim i da ne, da se ne ponavljam previše, samo jedna sitnica koju ću ja onako ovdje da još podcrtam i, i spomenem

jeste na primjer pitanje dijela Mjesne zajednice Gornja Tuzla, odnosno naselja Kosci i Tetima koja su tad još u to doba ostala bez javnog prijevoza.

Nisu oni gore ni imali puno nekih linija. Imali su dvije linije, jednu ujutru i jednu poslijepodne kad je raspust, a u radno vrijeme dok je dakle taj neki dio godine bile su 4 čini mi se, međutim evo od tog trenutka do danas ti ljudi nemaju nikakvog javnog prijevoza i vjerovatno to nije ni jedina gr, sredina u našem gradu, ni, nisu to vjerovatno ni jedina naselja koja nemaju.

Ja mislim da smo tu kao grad zakazali, mislim da smo tu zakazali evo kod tih nekih ljudi koji evo s pravom mogu reći da su na neki način oštećeni u svemu tome. Ja sam više puta i podl, podnosio i neke inicijative, tražio je li da se barem te neke linije koje su do tad postojale vrate, ovi su se dalje žalili na neku nerentabilnost, onda sam podnosio neke amandmane da evo na neki način mi kao grad pokušamo ne znam subvencionirati te neke ne rentabilne linije u nekom omjeru i tako dalje, međutim nikad to nije bilo dovoljno sluha.

To je jedan od primjera, vjerujem da ih ima još kažem nekako mi je možda i, i, i možda i nema više smisla stalno neku jednu te istu priču ponavljati. Problem imamo, ne rješavamo ga.

Evo i ovo vijeće kada je krenulo s novim sazivom nekako na prvim sjednicama je bila baš ova tema, ovo pitanje i onda smo rekli hajd uzet ćemo mi ono s ovim problemom ćemo se suočiti kvalitetno, međutim evo od tad do, do, do danas prošlo je već je li koliko dvije i po, tri godine, međutim i, i dalje puštamo to nekako da ide. Na žalost volio bi da je drugi, drukčije. Evo toliko. Hvala lijepo.

ALEKSANDAR VUJADINOVIĆ

U redu. Hvala lijepo. Ovim zaključujem raspravu klubova vijećnika. Otvaram raspravu vijećnika. Samostalni vijećnik Edim Kadić. Izvolite.

EDIM KADIĆ

Ja ću vrlo kratko da ne ponavljam. Smatram da kad raspravljamo o Izvještaju o radu, odnosno Informaciji o Gradskom i prigradskom saobraćaju smatram da bi u najmanju ruku odgovorno lice iz ovog preduzeća trebalo da je tu.

Mislim da, da ukoliko njega nema moje mišljenje ubuduće da vratim ovaj Izvještaj jer, odnosno ovu Informaciju jer ako ništa to je nekako odraz nepoštivanja prema nama, mi možemo ovdje sad pričat šta god hoćemo a nema nikoga od njih, to je jedna stvar i drugo ako mogu dobiti odgovor kad je privatizovano ovo preduzeće da li, da li imamo, da li ima neko tu informaciju? To me zanima eto.

ALEKSANDAR VUJADINOVIĆ

Dobro. Elvir Kasumović, SBB. Izvolite

ELVIR KASUMOVIĆ

Zahvaljujem. Takođe i mene je i ja nisam zadovoljan neprisustvom predstavnika iz Gradskog saobraćajnog preduzeća a ja sam dobio informacije da je opet ovaj koji je bio raniji vlasnik navodno prodao Gradsko saobraćajno preduzeće nekom drugom vlasniku.

Evo mi kao Vijeće jednostavno nismo upoznati po tom pitanju a i evo volio bi da što prije dobijemo tu informaciju, a slažem se sa kolegom Kadićem, mislim da nismo ni trebali, kad nismo

vidli da je, da je, da nema predstavnika, kad smo vidli da nema predstavnika ovog Gradskog, odnosno Gradskog saobraćajnog preduzeća mislim da nismo trebali ni o čemu da raspravljamo jednostavno kad, ko god ne, ne, ne poštuje ovo Vijeće kao legitimno izabrano tijelo od građana Grada Tuzle mislim da i mi ne poš, ne treba da poštujemo nje, njegov izvještaj i da nismo trebali razmatrati po ovom pitanju.

Trebali smo jeda, jednostavno odložiti ovu tačku dnevnog reda, ostaviti je za neku drugu priliku kada vidimo da je tu predstavnik ovog preduzeća. Sad smo već ušli u to, u, u, u raspravu tako da je to nemoguće na neki način ali smatram da, da ili da pitam sekretara koji postoji način da jednostavno odbijemo ovu tačku dnevnog reda i da je, da je prolongiramo možda za neko drugo vrijeme?

ALEKSANDAR VUJADINOVIĆ

Ovo je informacija. Ja. Replika. (ELVIR KASUMOVIĆ – Da informaciju.) Mirnes Ajanović. Izvolite.

MIRNES AJANOVIĆ

Mi imamo praksu da ne raspravljamo o Informaciji ili slično Izvještaju ukoliko nema predstavnika ali i sama okolnost ovog preduzeća kakav ima odnos prema Gradu Tuzli i Gradskom vijeću po meni, po meni je veće poniženje da predstavnik bude prisutan na sjednici i da nam se kezi u lice. Ako neko ima tu želju da na takav način uživa da mu se neko kezi u lice nek ode malo do Gradskog saobraćaja neka mu se tamo iskeže. Govorim o prvom govorniku.

Dakle u ovoj situaciji grad Tuzla ima vezane ruke zato što je Grad Tuzla dao vlast i preduzeće privatniku bukvalno za ništa i sad trpimo posljedice takve politike a takvi i dalje imaju pozicije u vlasti i donose odluke o našim sudbinama.

Iz tih razloga predlažem da ovo okončamo, prihvatimo Informaciju i idemo dalje ništa nećemo dobiti samo ćemo ponovo praviti konflikt koji ne možemo spriječiti i ne možemo kontra uraditi ništa, dovest ćemo samo građane u još težu poziciju a onda imamo veći problem.

MIREL MIŠKOVIĆ

Dobro. Ima li još prijavljenih za diskusiju? Ako nema
Konstatujem da je Gradsko vijeće Tuzla primilo k znanju INFORMACIJU O
GRADSKOM I PRIGRADSKOM SAOBRAĆAJU NA PODRUČJU GRADA TUZLA

Pozivam sekretara Gradskog vijeća, da pročita zaključke koji su proizašli iz rasprave.

SLADANA KRAJINA

- Gradsko vijeće Tuzla izražava nezadovoljstvo neprisustovanjem, uredno pozvanog obrađivača sjednici Gradskog vijeća Tuzla.

- Gradsko vijeće Tuzla smatra da se još uvijek nisu stekli uslovi za zaustavljanje saobraćaja na autobuskim stanicama „Istok“ i „Zapad“ a koje se odnose na kantonalne linije.

- Gradsko vijeće Tuzla smatra neophodnim pojačati inspekcijski nadzor, kada je u pitanju nelegalan taksi prevoz na području grada Tuzla, kao i gradski prevoz putnika koji obavljaju prevoznici iz drugih opština, suprotno zakonskim propisima koji regulišu ovu oblast.

- Gradsko vijeće Tuzla traži od Gradskog i prigradskog saobraćaja dd Tuzla da dostavi rezultate ankete projekta Udruženja potrošača Tuzlanskog kantona.

- Gradsko vijeće Tuzla smatra potrebnim ostvariti bolju saradnju Gradskog i prigradskog saobraćaja dd Tuzla sa Gradom Tuzla.

- Gradsko vijeće Tuzla urgira na realizaciji ranije usvojenih zaključaka Gradskog vijeća koji su se odnosili na rješavanje problema gradskog saobraćaja na području grada Tuzla.

MIREL MIŠKOVIĆ

To je to. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća jednoglasno usvojeni, 26 vijećnika je glasalo za, nije bilo glasova protiv, niti je bilo suzdržanih glasova.

1. Gradsko vijeće Tuzla izražava nezadovoljstvo neprisustovanjem, uredno pozvanog obrađivača Informacije, sjednici Gradskog vijeća Tuzla.

2. Gradsko vijeće Tuzla smatra da se još uvijek nisu stekli uslovi za zaustavljanje saobraćaja na autobuskim stanicama „Istok“ i „Zapad“ a koje se odnose na kantonalne linije.

3. Gradsko vijeće Tuzla smatra neophodnim pojačati inspekcijski nadzor, kada je u pitanju nelegalan taksi prevoz na području grada Tuzla, kao i gradski prevoz putnika koji obavljaju prevoznici iz drugih opština, suprotno zakonskim propisima koji regulišu ovu oblast.

4. Gradsko vijeće Tuzla traži od Gradskog i prigradskog saobraćaja dd Tuzla da dostavi Gradskom vijeću Tuzla rezultate ankete istraživanja Udruženja potrošača “Klub potrošača TK”.

5. Gradsko vijeće Tuzla smatra potrebnim ostvariti bolju saradnju Gradskog i prigradskog saobraćaja dd Tuzla sa Gradskom upravom Grada Tuzle.

6. Gradsko vijeće Tuzla urgira na realizaciji ranije usvojenih zaključaka Gradskog vijeća Tuzla koji su se odnosili na rješavanje problema gradskog saobraćaja na području grada Tuzle.

Prelazimo na sljedeću tačku dnevnog reda. (SLAĐANA KRAJINA – Može evo samo da, sekundu da.) Aha. Može. (SLAĐANA KRAJINA – Evo samo da otvorim.) Prije nego što pređemo na. (SLAĐANA KRAJINA – Evo samo, evo samo.) Ako hoćete da vam dam pauzu ili da idemo, ili da evo se vratimo na onu tačku gdje smo ostali dužni?

SLAĐANA KRAJINA

Hoćete da vam pročitam Služba resorna što je pripremila?

U vezi sa podnesenim amandmanom u dijelu koji se odnosi na član 7. tačka b) predlagač i obrađivač su stava da ne postoje uslovi za dopunu pomenutog člana odluke na način kako je predloženo u amandmanu imajući u vidu činjenicu da se prema važećim Zakonskim propisima vlasništvo na nekretninama dokazuje isključivo putem zemljišnoknjižnog izvotka, odnosno upisa u Zemljišnu knjigu kako je definisano odlukom.

Kada je u pitanju dio amandmana koji se odnosi na član 4. tačka c) i član 7. tačka c) predlagač i obrađivač su stava da postoji osnov za donošenje zaključka o nepostojanju prepreka u

važećim, važećim zakonskim propisima za dopunu odluke kako je predloženo u predmetnom dijelu amandmana, te predlagač i obrađivač u navedenom smislu smatraju da je odluku potrebno dopuniti na način kako slijedi:

U članu 4. stav (1) tačka c) dodaju se riječi „ili dokaz da je pokrenut postupak legalizacije objekta koji je predmet prijave“;

U članu 5. Je li prebrzo? Je li pratite? U članu 5. dodaje se tačka d) koja glasi: „da je saglasan da će u roku od 24 mjeseca, računajući od dana ugradnje toplotne pumpe, okončati postupak legalizacije objekta koji je predmet prijave“.

U članu 7. stav (1) tačka c) dodaju se riječi „ili dokaz da je pokrenut postupak legalizacije objekta koji je predmet prijave“;

U članu 7. stav (1) tačka f) dodaju se riječi „kao i da će u roku od 24 mjeseca, računajući od dana ugradnje toplotne pumpe, okončati postupak legalizacije objekta koji je predmet prijave“.

„U članu 10. dodaje se novi stav (3), koji glasi: „(3) Utrošak sredstava po konačnim rang listama iz stava (1) ovog člana vrši se prvenstveno za objekte za koje je izdata građevinska ili upotrebna dozvola, odnosno postoji dokaz da je isti uplanjen, dok se utrošak preostalih sredstava vrši za objekte za koje je dostavljen dokaz da je pokrenut postupak legalizacije“.

U članu 10. sadašnji stav (3) postaje stav (4). Je li to to?

MIREL MIŠKOVIĆ

Dobro. Ivice jeste li vi imali nešto? Može. Izvolite.

IVICA KOVAČEVIĆ

Samo jedno pitanje. Imamo li neki mehanizam provjere nakon ta 24 mjeseca?

MIREL MIŠKOVIĆ

Treba li obrađivač da odgovori ili ne treba?

(AMIR RAZIĆ – Govori bez uključenog mikrofona op.a) Može li samo preciznije pitanje pa da vidim odgovorit na njega.

IVICA KOVAČEVIĆ

Pa dakle stavljen je rok 24 mjeseca je li imamo neki, nekoga ko će vršit tu sad neku provjeru nakon 24 mjeseca ili smo to samo stavili kao neku vrstu ograde ili što već?

MIREL MIŠKOVIĆ

Izvolite ako imate odgovor na pitanje.

AMIR RAZIĆ

Nismo definitivno stavili kao nikakvu ogradu nego smo stavili sa svjesnim ciljem da osiguramo sredstva koja se ulažu iz Budžeta Grada Tuzla i ostvari onaj cilj koji imaju i koji se utvrđuje ovom odlukom, a mi svakako imamo raspoložive mehanizme kako to da provjerimo najefikasnije čak ne moramo građane na ništa ni tražiti u tom smislu nego po službenoj dužnosti kod nadležne Službe za prostorno uređenje i zaštitu okoline možemo provjeriti da li je taj postupak okončan, naravno u pozitivnom smislu jer se podrazumjeva prema odredbi norme ako u negativnom bude okončan da će u svakom slučaju morat vratiti novce jer se ne želi odredbama odluke stimulisati nelegalna gradnja.

U svakom slučaju pratit će se dakle kroz evidenciju od momenta ugradnje toplotne pumpe 24 mjeseca kada proteknu a pozitivno ne budu riješeni proces legalizacije građani će imati obavezu povrata onoga što je predmet sufinansiranja.

MIREL MIŠKOVIĆ

Dobro. Zahvaljujem. Ako nema više niko nikakvih primjedbi ja pozivam vijećnike da se izjasne o pročitanim amandmanima i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem.

Konstatujem da su pročitani amandmani jednoglasno usvojeni, 26 vijećnika je glasalo za, nije bilo glasova protiv i nije bilo suzdržanih glasova.

Amandman I:

„U članu 4. stav (1) tačka c) dodaju se riječi „ili dokaz da je pokrenut postupak legalizacije objekta koji je predmet prijave,“

Amandman II:

„U članu 5. dodaje se tačka d), koja glasi: „da je saglasan da će u roku od 24 (dvadesetčetiri) mjeseca, računajući od dana ugradnje toplotne pumpe, okončati postupak legalizacije objekta koji je predmet prijave.“

Amandman III:

„U članu 7. stav (1) tačka (c) dodaju se riječi „ili dokaz da je pokrenut postupak legalizacije objekta koji je predmet prijave,“

U istom članu stav (1) tačka (f) dodaju se riječi „ kao i da će u roku od 24 (dvadesetčetiri) mjeseca, računajući od dana ugradnje toplotne pumpe, okončati postupak legalizacije objekta koji je predmet prijave.“

Amandman IV:

„ U članu 10. dodaje se novi stav (3), koji glasi: „(3) Utrošak sredstava po konačnim rang listama iz stava (1) ovog člana vrši se prvenstveno za objekte za koje je izdata građevinska ili upotrebna dozvola, odnosno postoji dokaz da je isti uplanjen, dok se utrošak preostalih sredstava vrši za objekte za koje je dostavljen dokaz da je pokrenut postupak legalizacije.“

Dosadašnji stav (3) postaje stav (4).“

Trebamo li glasati o odluci sada? (SLAĐANA KRAJINA – Trebamo o odluci pa o zaključcima.) Eh može.

Sada stavljam na izjašnjavanje Odluku o uslovima, kriterijima i postupku dodjele sredstava za sufinansiranje mjera smanjenja aerozagađenja na području Grada Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster

izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da je ODLUKA O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA SMANJENJA AEROZAGAĐENJA NA PODRUČJU GRADA TUZLA jednoglasno usvojena, 26 vijećnika je glasalo za, nije bilo glasova protiv, niti je bilo suzdržanih glasova.

Pozivam sekretara Gradskog vijeća, da pročita zaključke koji su proizašli iz rasprave.

SLADANA KRAJINA

- Gradsko vijeće Tuzla sugerije da se maksimalno koristi javni RTV servis Grada Tuzle, kako bi se što više građana upoznalo sa Odlukom o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle, te kako bi se može te kako bi se građani afirmisali da se prijavljuju na javni poziv za dodjelu sredstava za sufinansiranje nabavke i ugradnje toplotnih pumpi i kako bi im se dodatno pojasnile prednosti nabavke i ugradnje toplotnih pumpi i utopljanja objekata.

- Gradsko vijeće Tuzla takođe smatra potrebnim, u cilju smanjenja aerozagađenja, inicirati prema višim nivoima vlasti, izmjenu zakonskih propisa koji regulišu prolaz automobila kroz centar grada, po uzoru na druge evropske gradove.

- Gradsko vijeće Tuzla sugerije da se razmotri mogućnost izgradnje gradske obilaznice, u cilju smanjenja aerozagađenja na području grada Tuzla.

MIREL MIŠKOVIĆ

Dobro. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da su zaključci, koje je pročitala sekretar Gradskog vijeća jednoglasno usvojeni, 25 vijećnika je glasalo za, nije bilo glasova protiv i nije bilo suzdržanih glasova.

Ovim smo završili tačku broj četiri.

1. Gradsko vijeće Tuzla sugerije da se maksimalno koristi javni medijski servis Grada Tuzle, kako bi se što više građana upoznalo sa Odlukom o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle, te kako bi se građani afirmisali da se prijavljuju na javni poziv za dodjelu sredstava za sufinansiranje nabavke i ugradnje toplotnih pumpi i kako bi im se dodatno pojasnile prednosti nabavke i ugradnje toplotnih pumpi i utopljanja objekata.

2. Gradsko vijeće Tuzla takođe smatra potrebnim, u cilju smanjenja aerozagađenja, inicirati prema višim nivoima vlasti, izmjenu zakonskih propisa koji regulišu prolaz automobila kroz centar grada, po uzoru na druge evropske gradove.

3. Gradsko vijeće Tuzla sugerije da se razmotri mogućnost izgradnje gradske obilaznice, u cilju smanjenja aerozagađenja na području grada Tuzle.

Prelazimo na desetu tačku dnevnoga reda:

IZVJEŠTAJ KOMISIJE ZA IZBOR I IMENOVANJA

(IVICA KOVAČEVIĆ - Govori bez uključenog mikrofona op.a) Može li pauza samo 5 minuta i kolegij?

MIREL MIŠKOVIĆ

Može. Na zahtjev Kluba HDZ-a dajem pauzu 5 minuta. (Pauza.)

Možemo nastaviti sa radom. Pozivam vijećnika HDZ-a Ivicu Kovačevića da nam obrazloži razloge pauze.

IVICA KOVAČEVIĆ

Hvala zamjenice predsjedavajućeg. Dakle evo moja neka zamolba na Kolegiju je bila da, i kao Kolegij smo se oko toga i usuglasili da napravimo jednu malu izmjenu dnevnog reda dakle da sada idemo odmah na 12 točku dnevnoga reda Raspravu o obavezi svih da poduzimaju mjere u cilju sprečavanja ratnohuškačke retorike i ugrožavanja mira u BiH, te da nakon toga privedemo sjednicu kraju, a ostalo znači da ostavimo za narednu. Eto. Hvala.

MIREL MIŠKOVIĆ

Zahvaljujem. Pitam sada vijećnike ko je za ovaj prijedlog Ivice Kovačevića Vijećnika HDZ-a i molim vas da izvršite glasanje i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Prijedlog Ivice Kovačevića HDZ kao i prijedlog Kolegija Gradskog vijeća Tuzla za odlaganje pojedinih tačaka dnevnog reda 32. redovne sjednice Gradskog vijeća Tuzla za narednu 33. redovnu sjednicu Gradskog vijeća Tuzla je jednoglasno usvojen, 21 vijećnik je glasao za, nije bilo glasova protiv i nije bilo suzdržanih glasova,

Gradsko vijeće Tuzla prihvata prijedlog Kolegija Gradskog vijeća te se za narednu 33. redovnu sjednicu Gradskog vijeća Tuzla odlažu slijedeće tačke dnevnog reda:

10. RAZMATRANJE IZVJEŠTAJA KOMISIJE ZA IZBOR I IMENOVANJA

11. TEKUĆA PITANJA

a) Obavještenje JU za predškolski odgoj i obrazovanje „Naše dijete“ Tuzla o razlozima prolongiranja Izvještaja o radu i poslovanju za 2018. godinu

b) Obavještenje JP Gradska veterinarska stanica d.o.o.Tuzla o razlozima prolongiranja Izvještaja o radu i poslovanju za 2018. godinu

c) Obavještenje JKP „Vodovod i kanalizacija“ d.o.o. Tuzla o razlozima prolongiranja Informacije o stanju u oblasti vodosnabdijevanja

d) Obavještenje Službe za budžet i finansije o razlozima prolongiranja Godišnjeg Izvještaja o izvršenju Budžeta Grada Tuzle za period 01.01.- 31.12.2018. godine i Izvještaja o izvršenju Budžeta Grada Tuzle za period 01.01.- 31.03.2019. godine

e) Obavještenje Službe za geodetske i imovinsko – pravne poslove o razlozima prolongiranja nacрта Odluke o prosječnoj konačnoj cijeni stambenog prostora iz prethodne godine

f) Obavještenje JZNU Dom zdravlja „Dr Mustafa Šehović“ Tuzla, broj 17.03-2579/19 od 11.04.2019. godine o prolongiranju Izvještaja o radu i poslovanju Javne zdravstveno – nastavne ustanove Dom zdravlja „Dr Mustafa Šehović“ Tuzla

13. VIJEĆNIČKA PITANJA I INICIJATIVE

tako da idemo na dvanaestu tačku dnevnoga reda sa kojom završavamo današnju redovnu 32. sjednicu Gradskog vijeća Tuzla.

Prelazimo na dvanaestu tačku dnevnoga reda:

RASPRAVA O OBAVEZI SVIH DA PODUZIMAJU MJERE U CILJU SPREČAVANJA RATNOHUŠKAČKE RETORIKE I UGROŽAVANJA MIRA U BIH

Predlagatelj je Kolegij Gradskog vijeća Tuzla, na inicijativu vijećnika Mirnesa Ajanovića.

Pitam prisutne, da li ima potrebe da predlagatelj da uvodno izlaganje? Može. Mirnes Ajanović. Izvolite.

MIRNES AJANOVIĆ

Hvala predsjedavajući, poštovane dame, kolegice, kolege vijećnici. Mi smo imali priliku na Kolegiju prije neki dan čuti određene informacije, a većinom sve to slušamo putem medija, postalo je to kao nešto gotovo još malo pa normalno.

Ratnohuškačka retorika je gotovo svakodnevna, ocjepljenje dijela teritorije mi ćemo to ratom drugi, s druge strane mi to nećemo dati, orgijanje fašističkog četnika u Višegradu, debalans, kršenje debalansa naoružanja po entitetima, a sve od Republike Srpske i na kraju ova kulminacija pored toga što su pokušali da kažnjavaju slikanje policajca da mogu da rade šta hoće Republika Srpska ide sa nacrtom formiranja rezervnog sta, sastava policije.

Imaju već veliki dio dodatnog naoružanja dugih cijevi. Sa druge strane čujemo da će i u Federaciji biti odgovor na to formiranje rezervnog sastava policije. Stvara se kritična masa vojno možemo reći slobodno policijsko vojno naoružanih ljudi koja u svakom trenutku može rezultirati incidentom.

Bilo gdje da se desi, bilo šta da pukne jedna ili druga strana bi krenule da to eto spriječe, zaustave ili nešto slično i odosmo u stanje zatvorenih granica. Bili bi ponovo sa svojim sudbinama u milosti i nemilosti gospodara rata koji bi odlučivali i o našim životima, djece, svih nas, imovine i svega i svačega. Ne bi mogli ni otići, našli bi se u stanju za koje nismo mogli vjerovati devedesetdruge da je moguće, a bilo je moguće jer je trajalo četiri godine.

Dakle odgovor adekvatan na ovo mora biti. Nije odgovor ono što oni hoće. RS upravo hoće i sa ove druge strane naoružane formacije da bi pored svega što pokušavaju poturiti Federaciji pa i kroz ove jadne migrante da su to u stvari islamski teroristi pa onda raznorazne izjave raznih dr, dužnosnika drugih država žele sve to stvoriti u stanje prava na samoopredjeljenje, stvaranje njihove države a mi eto ko nećemo dati i tako dalje vidjet ćemo šta će biti.

Nisu dali ni, ni, ni ovo sve pa eto pola Bosne po Dejtonu pripalo Republici Srpskoj pola vamo Federaciji i to u konfederalnom smislu čak nije ni federalno vezana Republika Srpska sa Federacijom ali o tom po tom.

Smatram da mi moramo suprotstaviti se bukvalno političkim ratom protiv rata mobilizacijom svih građana i iz Bosne i Hercegovine, dijaspore da i oni kod svojih vlada vrše pritisak da se donose odluke da se spriječi ratnohuškačka retorika, da se brutalno kazne oni koji

to rade, a evo danas predlažem Vijeću da mi zatražimo iako to nekad može biti i degutantno ali neka hajde naravno što da ne.

Zvanično prvi put javno Gradsko vijeće u ime evo to još niko nije uradio od zakonodavnih ili izvršnih vlasti u, u Bosni i Hercegovini tražimo poduzimanje hitnih mjera u cilju sankcionisanja svih koji koriste ratnohuškačku retoriku ako se nastavi naravno i sprečavanje nastavka formiranja rezervnog policijskog sastava bilo gdje, nebitno samo da li to bilo u Republici Srpskoj ili bilo gdje, dakle nigdje da se ne dozvoli.

Da se smanji ovaj dio naoružanja pa u Republici Srpskoj samo da napomenem potpuna je liberalizacija nabavke oružja, mogu uzeti oružja koliko god hoće građani čak prije i gdje je i trebao prekršajni nalog da bude osnov da nemate prekršajni postupak i to ukidaju. Dakle omogućavaju nabavku oružja masovno. Sve to nas mora i upozorava i evidentno se pokazuje da su građani zabrinuti a upozorava na djelovanje.

Dakle tražim od Inzka radi svoj posao bukvalno smjenjuj ili će biti smijenjen. Imamo pravo tražiti i to ali za sada idemo evo korak po korak zavisno od realizacije i aktuelizacije stanja u Bosni i Hercegovini.

Predlažem da opet stavimo još dakle pored te prve, prvog zaključka Vijeća da tražimo od njega djelovanje, da ako ne postupi odmah adekvatno da se obratimo zemljama članicama Vijeća za implementacija mira Ujedinjenim nacijama da i oni donose određene odluke kako bi se omogućilo očuvanje Opšteg okvirnog sporazuma za mir u BiH, odnosno mir i sigurnost gra, svih građana u Bosni i Hercegovini.

A ako to ne bude ništa idemo dalje Vijeće nadam se bi moglo se vrlo lako desiti ovako kakvi jesmo mi gdje donosimo i radikalne i ispravne političke odluke da možemo donijeti i odluku da Inzko mora pasti. Toliko. Ko prozor će biti. Neću da kažem da će biti razbijen.

Izvinjavam se samo da dodam kad je ovako bilo ali nije to radikalno ništa nego tražimo novog, nego bi tražili tada i to će biti, ali ne predlažem sad novog Visokog predstavnika koji će ko nekada Paddy Ashdown poš, postrojavati sve one ministre, vlast, sjećam se kad su morali okopavati drvaće i, i, i trnokopima raditi a sjede i gleda Paddy Ashdown a svi su došli od Vijeća ministara do svih bukvalno političara na vlasti.

MIREL MIŠKOVIĆ

To je to. Zahvaljujem. Sada otvaram raspravu klubova vijećnika. Javlja li se neko za riječ? Ne javlja. Zatvaram raspravu klubova vijećnika.

Otvaram raspravu vijećnika. Javlja li se neko za riječ? Ne javlja.

Pošto smo iscrpili raspravu i klubova vijećnika i vijećnika i imali uvodno izlaganje predlagača i nema više prijavljenih za diskusiju ja zaključujem raspravu.

Pozivam sekretara Gradskog vijeća, da nam pročita zaključak kako bi se mogli izjasniti o njemu.

SLADANA KRAJINA

- Gradsko vijeće Tuzla osuđuje svaki oblik ugrožavanja mira, radikalizacije ratnohuškačke retorike u Bosni i Hercegovini koji provode pojedini politički subjekti, kako kroz svoje javne istupe, tako i kroz bespotrebne i neopravdane namjere formiranja rezervnih sastava policije, a što u konačnici uveliko ugrožava mir i stvara opravdan strah i nezadovoljstvo kod svih građana Bosne i Hercegovine. Gradsko vijeće Tuzla traži od Visokog predstavnika u Bosni i

Hercegovini, Valentina Inzka, da poduzme sve mjere za hitno sprečavanje i adekvatno sankcionisanje svih onih koji zagovaraju ratnohuškačku retoriku, a sve u cilju očuvanja mira i sprečavanja bilo kakve najave potencijalnih ratnih sukoba i podsjećanja na ratni period 1992-95. godina.

- Ukoliko visoki predstavnik Valentin Inzko, ne bude djelovao hitno u skladu sa svojim ovlastima i obavezama u cilju sprečavanja ratnohuškačke retorike, očuvanja mira u Bosni i Hercegovini i Opšteg okvirnog sporazuma za Bosnu i Hercegovinu, Gradsko vijeće Tuzla će se obratiti zemljama članicama Vijeća za provedbu mira u Bosni i Hercegovini i Ujedinjenim nacijama, u cilju donošenja adekvatnih odluka kako bi se obezbijedio mir i sigurnost svih građana u Bosni i Hercegovini.

MIREL MIŠKOVIĆ

Dobro. Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća jednoglasno usvojeni, 21 vijećnik je glasao za, nije bilo glasova protiv i nije bilo suzdržanih glasova.

1. Gradsko vijeće Tuzla osuđuje svaki oblik ugrožavanja mira, radikalizacije ratnohuškačke retorike u BiH koji provode pojedini politički subjekti, kako kroz svoje javne istupe, tako i kroz bespotrebne i neopravdane namjere formiranja rezervnih sastava policije, a što u konačnici uveliko ugrožava mir i stvara opravdan strah i nezadovoljstvo kod svih građana Bosne i Hercegovine. Gradsko vijeće Tuzla traži od Visokog predstavnika za BiH, Valentina Inzka, da poduzme sve mjere za hitno sprečavanje i adekvatno sankcionisanje svih onih koji zagovaraju ratnohuškačku retoriku, a sve u cilju očuvanja mira i sprečavanja bilo kakve najave potencijalnih ratnih sukoba i podsjećanja na ratni period 1992-95. godine.

2. Ukoliko visoki predstavnik za BiH, Valentin Inzko, ne bude djelovao hitno u skladu sa svojim ovlastima i obavezama u cilju sprečavanja ratnohuškačke retorike, očuvanja mira u Bosni i Hercegovini i Opšteg okvirnog sporazuma za BiH, Gradsko vijeće Tuzla će se obratiti zemljama članicama Vijeća za provedbu mira u BiH i Ujedinjenim nacijama, u cilju donošenja adekvatnih odluka kako bi se obezbijedio mir i sigurnost svih građana u BiH.

Svim građanima pravoslavne vjeroispovijesti, u svoje ime i u ime Gradskog vijeća Tuzla, upućujem iskrene čestitke povodom predstojećeg Vaskrsa, a svim Bosancima i Hercegovcima sretne prvomajske praznike.

Ovim zaključujemo 32. redovnu sjednicu Gradskog vijeća Tuzla u 16:04 sati.

STENOGRAM SAČINILI:

P R E D S J E D A V A J U Ć I

Senada Karabegović

dr.med.sci. Aleksandar Vujadinović s.r.

Jasminka Delalić